

Atur Naka Ekanisa Loka Piladelupia

Jeffersonville, Indiana, USA

60-1210

1 Abu Onac kolot kosodi alemikin eong, araito naati naenyaritai cherry pie loamwana. Alimokini eong ijo, etaci kereka aikwenyar. Kosodi ngesi atemar ebe, "Ikatunga..." Biai bodo ngun, Onac Neville? Engiol kanen. Itei ijo? Esubit bala Cherry pie nges loeminai kakere. Ejok abeit neeteni. Kwape cut bala abalar eong neinyamia jo cherry pie, kwana, acepakio idolokini ijo ecokat. Kwana, mam-mam eong acakari e pie awai, acakari bon eong ecokat awai kasodi ainyikokin ainyam cherry pie.

Eipone ngol nges akotor eong ijo aswam kanuikamunitos Aisiiranareta nu. Arai kidolok ijo...Koupakinos cut kede eong, arai ikony ijo icebore komam ijo-komam ijo ipedori aisisiaun ngin ejok, inyobo, eebo, bon... mam icakari nginibore kere awai, kocaka aiboisit ngin bon (ecokat), kosodi ainyikokin ainyam e pie. Kanukinyo, kidau jo aisisiaun. A-ham.

Naki...Imina ijo akokor, akokor naiwowatai? Nepetai nginitunganan kere emina. Eebo, ido, nainyamia ijo akokor, kosodi ijo aikony akoit, mam ijo icakari akokor awai, icakari bon ijo akoit. Ngin mam erai nakabeit, Pat? Icakari ijo akoit bon, kinyikokini ainyam akokor.

Eebo, kiyalama oni ebe kipedori oni kere ainyam inyammat luemamei akoit arai ecokat kotoma. Apotu inyammat kopotu kotoma Akuj, luanyaritai "Emanu," arapiar kere airap kede awiinyu naka Akuj.

Ijeni ijo, acamunit eong ebe arai Daudi adiope pak abala ebe, "Ewiiny bala esike kotoma atiida." Eyuunit eong ebe abala ekewadikan ebe, "Arai Esike kotoma Atiida." Oo, onaceka, ijo iiritor e...itei ijo e... bala...ewiiny bala esike kotoma atiida. "Esike kotoma Atiida, onaceka." Eipone ngol ejaar.

2 Kwana, ijeni ijo, aumokinit eong apak adiopet apolou naka ngin, "esike kotoma atiida." Ido abu eong kaomoom, "Eebo, erai aticepak apotu kesi kodumutu amolig kadiopepaaran kotoma atiida." Konye abu eong kamo, abu eong kadum aiyengakinio adiocar kotomake. Eong-Mere kotoma apak kangin naamootor eong ngin, konye ekaulo abu eong kajenu ebe nginidiopet kotoma ikecokok kangul luajaatar kamerekekin...Ejai ibore yenikamunit ngin, ijeni ijo, iswamatai awokowat kapua naka akwap. Kanginibore- nginibore kere yenejari abuni kakwap. Ido ajaasi ikecokok lu, lueyuunitos ebe ingarakini e lime amerekek arai ejai ibore yenerono kede ngin, ijeni ijo, arai edeka, arai icebore. Akotosi kesi ngin aime atiida. Ianyunitotor yesi amerekekin iswamaete ngun, elosete aime atiida. Ido kanu ainakin amerekeki aime atiida, abukokinete kesi ediosike atiida. Kosodi do amerekek alosit aimielanar esike, kosodi kanen ngin adumun atiida da, itei ijo, neajaar ngin emei esike.

3 Eebo, kijaar oni aikapu naka apapula ileleba esike kane. Ibuni oni aibwaikin ngin Atiida, mere okanisa edio; Atiida, Kristo Yesu. Ido yesi amerekekin kolototo aime kwana, ido ibuni ijo-ijo-ijo kabait cut arasakin angaleun. Atiokisio kere nuka adiakar enyounete kimielana-kimielana ijo Atiida. Ngun bon kes ebeit ijo aswam.

Ejai icebore yenikamunit emoru yenejaatar kangaleu tomake, aitangal. Kotoma apaarasia nuatuboros, eroko kes kedumuna ekato loka erebis, ajaatar kesi ibore yenenyaritai "amoru nabang." Ekony itunganan ekingok lobang, inyobo, ebwaikinio nges neejai atiida na nabang. Kosodi kwana, arai atiida nabang na... Arai imakakin ngesi neejai atiida nabang, angaleuni ngesi; arai mam ngesi imakakin, akepolou emunaara do noi ikadekan ngin, atwani do ngin.

Aso kwangin nges ejaar lolo. Akonyetait naronon kakere na ajeni eong mere nges naka ekingok kalo bang, konye ajokit. Ido kijaar oni kAtiida kanuka ngin, Atiida naka Aturio. Kodongakin bon ijo mamaKe. Bon ebe idongakina ijo, ingaleuni ijo. Ido mam cut ijalakini kosodi abongor kau, inyikok adongakina. Kimakakin tomaKe, ido ingaleuni ijo.

4 Kwana eroko oni keloto toma aisisiawok naka atibong kana, ido-ido ikoto oni anyoun aibwo ipak edit, arai ipedori oni, kanuka akirot naka ailip.

Mam ijo irai inacike Robert Daugherty, ijo irai? Kane. Abu ngin kanyara eong bian, acamunit eong ebe arai, ido enera nuekamunitos ebe epuda ngesi ailipa. Ido mam eong-eong ajeni, iputos nepetai kede nges, mam eong ajeni arai irai ijo inacike arai mam. Aanyunit eong ijo akuar natubor.

5 Ido imwasi bo ai ipudasi aitunio kakonyen nuka Edeke, arai ipuda ijo Edeke aitun ijo, atemasi? Bon...

Papakosi lokotoma Akuj, kwape atapitor engarenikitonikosi loka awoere kalaije ko Chicago awoere, "Kiitu eong naeracununotor akiyo kwap," Ejakait, kiitunai eong kwape kwana. Kotoma osawa loka atwanare, kotoma...anatar ajar kere, ikoto isio Ijo aitunit isio, wu Ejakait. Kiitunai isio mere kwape ikadiakanarak, kwape kiraar isio, konye ikoto isio Ijo aitun isio kwape luilimorit araut Ikristayon; ebe kicamu isio Yesu Kristo, OkokuKon, ido Eketajaran kosi, kanu akosi...araun alucetekosi kanuka adikanareta kosi. Ebe, ijeni isio ebe ngin bon-bon nges arereng kijaar isio, erot ediopet bon, eipone ediopet bon loka aitajario. Mam erai kotoma okanisa edio arai kotoma acuman adio, arai ediorionget, dimarai kotoma Yesu Kristo, ido Nges bon.

Aso ibuni isio kOKiroriKe atiibong na, kelipitos ebe ibuni Ijo aisirereng isio kwape kitukokinar isio nepepe kanu aisia Akonikirot ka ajenun nuijaatar ijo kanukosi kotoma aingadis, kanuka atibong kana. Tetera isio idukuni akosi-akosiwat nuka Omoyo kiton araun Ekanisa loejari. Ekanisa loipedori Ijo aijar, ka alosit kotoma, kosodi apup ainapakina, kolosi akidingos naka Ikonitunga, kolimonokini isio nuebeit aswam, kasodete ajenun ebe ti sio ipedo arasakin aswam ngun.

Ido imina isio Ijo, Papa, konye ijeni isio ebe mam isio ijai toma ojautene loipedoria ijo einer kotoma kosi kwape kipudar Ijo. Aso ilipi isio ebe ikepi Ijo, nges atemar, kotubo abanganut na kere, amuny kere nailamanara kamakosi atibong na tetera isio kiinakin kaileleba neijai Ijo, ebe ipedori Ijo aitwasam isio ediosawa kere. Ido kilipi isio ebe koraun apak ngin atibong na, Papa, ebe ibuni IJo aitwasam isio aitolomuna iboro luketai lu luka Obaibuli kasodete aiputar ngun ka ainakin itunga aanyun aitodiaret naka Krsito kotoma atur naka ekanisa kalo lokaumokin. Kilipi isio Kokiror loka Yesu Krsito. Amen.

6 Kwana, kijaunor oni kede aturio nuka ikanisan kwana, cut kwap kiton atur naka ekanisa loka atibong kana, nges atur naikanyetekape. Akuar naka moi angetekin aturio nuka ekanisa; alemunun eong adiopet kanginikuar, Naebalasa kiton Naesabiiti. Ido atibong na, enyaritai atur naka ekanisa Atur naka Ekanisa loka Piladelupia. Ido aacerit arai ekiyakia, emalaika-ekiyakia neejai atur na naka ekanisa, kiyuunit oni cut ejok, kede iwokotauon kere, araut John Wesley. Abu atur na naka ekanisa kogeun kokar 1750 neadaunor atur naka ekanisa loka Luther, kosodi alosit kiton nenice toma 1900, kokar 1906 akaulo naka atwanare naka Yesu, Atur naka Wesley. Kosodi do, kolomuni do kanen, Laodikia.

Ido kwana atur na erai atur naka...atur naka ekanisa loka "amin naka einacane," atur naka "ikiyakia" lokaumokin ka atur naka "ekek loengaara." Ido eropit arai epir, "aitaraunio epir," ka apukokinio naka ikiroria iuni: ekiror loka Edeke, ekiror loka Ere loka Edeke, ido ekiror loitetet loka Edeke, nges apukokinio naaponi koinakinai atur na naka ekanisa. Ido, kwana ekanisa...Egeuna atur na kotoma Apukokinio 3:7, kiton okokoro lo 13, ka ekokoro lo 13 da ejai toma, Apukokinio 3:7 kiton 13.

7 Kwana, itoreneinei oni ianyanara nu mot kotoma osawa loka akuare, abongor kau. Ido atur nasodit arai, Atur naka Ekanisa loka Epeso. Icetunganan epedori alimun loarai emalaika arai Aica (ejanakinan) loka atur kangin? Paul. Atur naka Ekanisa loka Epeso, okar 55 kiton 170. Apolou naalemuna eong 55, ngin nges apak nageuna ngesi akelosit naka alimonokin, ido arai kotoma apak kangin nges abu ngesi kosipokina ekanisa loka Epeso ka ikanisan luegelegela kangina.

Eebo, kosodi atur naka ekanisa nakiareit arai Sumuruna. Idiotunganan epedori aiitun loarai emalaika loka atur kangin naka ekanisa, idiotunganan yenatuket? Irenaeus, edolit. Eebo, arai 170 kiton 312.

Atur nakiuniet arai Atur naka Ekanisa loka Perugamo. Idiotunganan epedori aiitun, kotoma atuket, loarai lokalaunan loka atur kangin? Martin Lokalaunan, abeit. Ageun 312 kiton 606.

Kosodi do atur naka ekanisa naetupakini arai Suatira. Idiotunganan epedori aiitun lokalaunan ka ekiyakia, emalaika loka atur? Columba, abeit. Ido arai ngin 606 kiton 515.

Natupakini arai Atur naka Ekanisa loka Sarudio, na arai akuar naka bian. Idiotunganan...ijeni ijo loarai emalaika loka atur naka ekanisa kangol. Iitunit ijo? Martin Luther. Ido nake arai 1520 cut kiton 1750.

Kosodi atiibong na kijai toma Atur naka Ekanisa loka Piladelupia; loerai John Wesley, nges arai ekiyakia loka apak kangin. Ageun 1750 kiton 1906 akaulo naka atwanare naka Yesu, ido erai atur naka "amin naka eniacane."

Kwana, kidumuni oni ebe ngolidiopet kotoma okanisan kalu, aturio nuka ekanisa, abu kitodia eipone loka ekanisa kangol. Abu kitodu nuarai ekanisa ngol ka iponesio luka ekanisa, eipitene, gwai ti katemasi, loka ekanisa.

8 Kwana, akuar naka bian arai Martin Luther. Eong...kotoma kanu, ajai eong...Apolou najaar eong alemun na ido ejaas isap aibwaikin nu ateepu...Esisiai eong apaaran kere. Ido ibala ijo ebe, "Apaaran kere adaun kotoma akiro nukolosek adis nu nuinaki ijo kane?" Mam. Adesinikineti nuka akiro nukolosek elosete oitabo, itei ijo. Na kane, ajai eong...apolou naka abunore ne, erai kanu ainakin iboro airiunio kinga kede aiyengakinio kakonyenekus yesi itunga, nakitukokinar oni nepepe kanu adumun ewaike loka aiyengakinio. Akiro ngun nukolosek, apedori eong aisiom ngun koitabo. Konye ne nges amootor eong aiyengakinio, kasodete do oni aikamun ngin kotoma ateepu. Kosodi kijaar oni-kijaar oni...kotoma oitabo, akepolou, ijaun do oni kede akiro nukolosek nuidiatunitai nuikamunitos ngin kede da bobo aiyengakinio naka Emoyo Lokalaunan nainaki oni kwape kijaar oni nepepe kane, aiboisio nu nukotoma akuj kotoma Kristo Yesu. Ido eyuunit eong ebe ibusakinit ngin aiswamaun eitetemune loemwana kotoma aturio kanu nuka ekanisa. Ido koinak Ejakait Akererengusio neejai ngin.

9 Kwana, a...Akuar natubor, atur naka ekanisa, a...arai Atur naka Ekanisa loka *Sarudio*, arai teni cut kotoma Ayonanin nanyaritai, "Naekuit," konye kotoma oijulune loka amusugun erai "Natwan." Kwana, arai ekanisa loatwanit ido "kokuite" naarai arai ekanisa loadaunit atwanare kokwap naka eipugae loka luipaapa kotoma okar 1500 ngina, arai 1520, luka-luka eipugae lokapolon loka luipaapa lokinyarit oni ebe

Aturio nuka Amuton; nejaar Ekristayone adoketai nakokwap cut na iitor ajaunor araiboot naebuni aiir ajaun, karaida kotoma Atur naka Ekanisa loka Laodikia.

10 Kwana, engin idiopet kotoma oboro lukinomete keja acie da, kinyikok aitunit kotoma aomisiokon ebe aturio nu nuka ekanisa egeunos, ido ibore yenejai neejai atur adiopet elosi cut anatar nginitur kere, ido nginidiopet kotoma aturio kanu ilapakin neejai adiopet kanginice. Arai kisisisa ijo akiro nukolo ejok kede eitabo, ijenuni ijo.

Erai bala ilapakin kopone *kalo*, idokokin neejai adiopet kanace. Ido neelosio atur adiopet engetakin ido emalaika ngol loebuni kokiding kanen erai kanuka anyaraun ekanisa ngol ainyakun toma aiyuun ngin naabu sek ngesi kotoolio. Eraun duc kwangin.

Kosen ber ijo Yuda, eitabo lokawasia koBaibuli, itei ijo, kodolokin do ijo Apukokinio. Abala Yuda ebe, "Ewadikak eong yesi-ewadikaini yes auta noi kanuka Aiyuun naainakinitai lukalaunak irwan atipet bon." Ailapakin kuju, kiding ikiyakia kede abunore naka Apukokinio, naarai ikiyakia luipu adaunitos atwakare kotoma apak kangin. Itei ijo, adaunitos aekar. Ediopet nges ajari kotoma apak kangin, arai ngol Yokana Lokalaunan, loka Edeke, loerai ekapukoron arai ekewadikan loabu kodum Apukokinio kama ejai emalaika loka Ejakait kanu aiwadik Eitabo loka Apukokinio.

11 Kwana, itei ijo, ilapanakin ngun adiopet kuju kanace. Aso kwana ijo...aomit eong ebe iwanyu ijo ngun kosodi alemun ngun, kobuni kwap kwape ajaar eong alimuni ngun. Eipone loeraar ebe karaida kane kotoma a-atur naka *Sarudio*, kerai ngin atur naka edukokone. Abeit cut, mam ekanisa abu kodolok toma ajakut naileleba kiton Suatira, konye abu kodukokin kotoma *Sarudio*. Ido apolou naka Sarudio erai "ajaun toma o-odukone."

Kwana-kwana arai kimisiik ijo abu kodukokin *kane*, kosodi konyet ailapar toma atur *kangina*. Ido ianyuni ijo Luther, akuar kaya abu kolom kede ekiror "loeatwanit," ekiror loka ikatwan, kosodi "loekuit." Itei ijo, kejaatar kekanisa loatwanit loabuni kokau *kane*, ka aiku naka aatongot naponi kitolomunai kinga kotoma atur kana *kane*.

I do atibong na kwape kingetakinia oni atur naka Piladelupia, ejai ayangaun toma ageunet naka atur naka Laodikia.

12 Kosodi akuar naka moi naelomaria kinga naka...kangeset, ianyuni ijo ebe, etakanuni emalaika cut kawasia naka apak (ido cut awasia naka apak) kanu aitoron ekanisa kanu nges atwaniar akemin nasodit ka eipone loanyounio ngol awai kama ejai Edeke kwape apotu kiswamatar kokwap kangina anatar, aturio. Ido, kotoma apak kangin, kobuni Auruporio ayangar Ekanisa Ore, elosi Ekanisa kuju cut kotoma apak naka Aisiiraret. Ido kwangin kijai oni-ijai oni iyapikinit atur ngin kwana. Ijo ibu kodum ngun? Mam ace. Ianyu? Mam ace. Itei ijo, cut kotoma apak nakawasia-emalaika loka ekanisa (ekiyakia loka atur) elomuni kanu aitoron kes kanu aitoolior akacemin nasodit, ayangaun...atamit ainyakun kes.

Ibore ngipengin iswamai ekiyakia atibong na, emalaika-ekiyakia ebonguni kanu aitoron kes (nginitur koipone kangol) kanu apotu kesi kiswamatos. Aso iswamauni ngin ailapakin kotoma kanginitur naka ekanisa, ailapakin cut adiopet ka nace koipone *kangol*, kolosi kuju.

13 Kwana kijaar eong katutubet naeuriana naka akiro nukolo kane nuikamunitos ekiyakia kanuka atibong kana, nuka John Wesley. John Wesley nges arai aacerit naka atur kana. Ido idounitai nges kolap loikanyetekape 17, 1703, kotoma Epworth Rectory, England. Arai ngesi ikoku yenitomonetakany kotoma odwe itomonakanykaongon. John ka Susanna Wesley, papa ka toto. Papa, ekalimonokinan; toto, nakalaunan nainakina; karaida kejaatar kidwe itomonakanykaongon kanu aidar, adumunenei nges apak naapol kotoma apakike naka ailolitoi kanu aisisianakin idwe nusisiauna nuka Ebaibuli ka awaragasia nuka Obaibuli ka ailipanakin kes. Ngun kes apotu kitarautu itelepai ngul nuaraas kesi. Ekewadikan lokapolon loka ikososio, Charles, onaceke, loabu koinak akwap ice kotoma okososio luikiyengakinete kakere lukijaunar oni.

14 John, kwape epaup loka George Whitefield. John-John Wesley ka George-George Whitefield nges kaitebeikin kerai ekageunan losodit loka Methodist...araibo aitalaunio.

Anyouni John sek nginituruc; adaun ikar akaisakanykape enyoununei ngesi nginitupuruc kosawan itomon. Ngin nges ibore idiopet yenebiror ekanisa kotoma. Anyounenei nginitupuruc osawan itomon, kosodi alimonokin osawan itomonadiop luka atupuruc adaun ikar akaisakany angetakin. Ido kacepakio alimonokini ngesi irwan aarei kiton irwan aongon apaaran. Abalas itunga luko England, ebe, "Etekeri ngesi ebalasit amairon ilukumin iwongon akwatakany nuko England kangolikaru, kanu alimonokin Eijiri." Amairon ilukumin iwongon kakwatakany kokuju naka...Eraasi ngun amairon nuko England, ijeni jo, eojak ngun adepar nuwok; alimonokin Akiro Nukajokak.

15 Iitabon luipu luka ake...ewadikao luka aitoronitor ngesi kotoma apakike, aitoronit nges, akienar nges. Konye emurwokin kes kolosek kwana, kiton ikecewadikak da. Mam ijo ipedori aswam idiobore asurwokina ikoku yenika Edeke kosodi akerianar kede ngin, ijai ijo bon-ijai ijo bon aitiji ekwam. Elosi Edeke ayangar

kes iingaren cut, karaida biai.

Aponi nges konyarai Methodist kanuka eiponeke loka aswam iboro. Abalai ebe, "Kotoma aijarake," ebe "abu ngesi kolimonok irwan nuedeparitos alimonokineta ilukumin iwongon." Koomoom ber ijo ngun: alimonokineta ilukumin iwongon. Katipet ekaulo naka anyounike kokaru 1791, kikamari ediini loka Methodist ageun kotoma akwap kosodete aitegear ekanisa loka Methodist. Kosodi, bodo, Asbury ka luipu ajaas kotoma kapak kangin.

16 Kwana, arai kimisiik oni, ayogan naka ekanisa kalo; kwape kilosio oni ageun kwana kokoro lo 7, ekiyafia loka Piladelupia. Ekanisa lokabeit kotoma-Ekanisa lokabeit kotoma okanisa loelimorit. Kerai Ekanisa lokabeit kotoma alimorit.

...neejai emalaika loka ekanisa loka Piladelupia kiwadikak;...

Etejenik eong yesi nuikamunitos ailapanakin, naka nginidiopet, kwana. Kwana, idumuni ijo kane, emalaika...arai kingic ijo eipone loabu ngesi kitolomuna atur naka...atur naka Methodist ilapakin ido ebuni akerit kiton ailamar mot naka Piladelupia...araibo naka Laodikia, Atur naka Pentekosit. Kosodi do, moi kuare, ekiyafia loka Pentekosit ebonguni aitoron lu kanuka aibiror, cut kwape abu atur na kitoronia ngul kanuka abongor kau kane ko Sarudio (kotoma atur naka Luther), ailapanakin.

17 Amin naka einacane. Arai atur nakaumokin naka luyakitai alimonokin ka ayakian. Mam akwap eanyunitor apak kwa kangin, elosi kiton apakiwok da kwana, ebe, neabu akwap koanyunia apak kwape kangin naka ikiyafia luka Eijiri kanginiiboisit kere. Kotoma okar lautuboros...Oo, ti eong katema ebe ikar akwatat kakaisakany luatuboros, araasi apakio nakaumokin kakere kotoma akiro nuka akwap nukolo eswamasi kanuka ikiyafia elosete toma nginiboisit kere naka akwap kede Eijiri. Abu ngin koraun...

Kanuikamunitos ber-ber, alosit, aijukar aisiiraret naka Eijiri kotoma apapula ka iitabon ludidik ka iitabon ka ice da, adau Eijiri ikolosek alosit neejai nginikwap kokwap naka akuj, kolosek. Aso, itei ijo, elosi ngin aitoduun ebe mam kerai ngun kes enera Yesu nukec. Mam Nges abala ebe, "Kolototo akwapisinei kere kosodete aismamaun isomerioi luesiomere akiro nuka ediini." Karaida Nges atemar ebe, "Kolototo akwapisinei kere kosodete ayangaar acoa nakaiwadik ka aisiom."

18 Iboro ngul kere ejokuka, konye aKeyakian neejai Ekanisa arai, "Kolototo akwapisinei kere kolimonokisi Akiro Nukajokak." Ido akiro nukajokak mam erai kes Akirot bon, konye erai aitarau Akirot Naejari. Ianyu? Naarai abala Yesu ebe, katipet, "Etupanakinete aanyununeta ngul luyunete." Ijenete yesi, Marako 16, Akeyakian nakawasia-Akeyakian nakawasia neejai Ekanisa kerai, "Etupanakinete aanyununeta nu ngul luyunete." Akeyakian nasodit neejai Ekanisa, kotoma Matayo esula lo 10, arai, "Kitangaleta lukadekak, kitajarunete lukatwak, kirengianarete ajokin; kwape kijaunatar titai, koinakisi titai." Ido Akeisiiraret nakawasia neejai Ekanisa kerai, "Kolototo akwapisinei kere kolimonokisi akiro nukajokak neejai nginisubat kere. Ngin yeniyuuni kibataisai kitajario, ngin yenimam iyuuni itelekaritos akiro ido etupanakinete aanyununeta nu ngul luyunete."

Mam kereka erai ibore yenitegelikina ebe atubosi luipu awai itutubet ngin kanen? Akirot ebe "Ka" erai akirot naerucokinit ekokoro nepepe, itei ijo. Kwana, abala Ngesi ebe, (Luipu kotoma ikejaanakinak etemarete ebe, "Kolototo kolimonokisi Akiro nukajokak.") "Ngin yeniyuuni kibataisai itajario, *ido* ngin yenimam iyuuni etelekasi akiro, *ido etupanakinete* aanyununeta nu *ngul*. Etupanakinete ngul; ngul luyunete. Kokirorika iriengeanarete ajokin; inerenenas kangajepa nutetiak. Arai ikamutu imunuo, araibo aimat ibore yenikaaran, mam isiriebi kes; arai kidokokisi akecekanin neejai yenedeka, engaleuni." Aanyununeta nuka Edeke lokajaran iswamasi kakidingos naka itunga. Oo! Alalau anyoin? Akwap kere. Imisiikit ijo? Akwap kere.

19 Aso kanuka ngun neatemara eong ebe Aisiiraret naka pentekosit...(Mere erionget loka Pentekosit kwana.) Aisiiraret naka pentekosit nges bon Aisiiraret naebunit kama ejai Edeke. Kwana koany, Marako 16, arai ijai ijo aisiom kanen. Eebo, kane abu Yesu kiyafia Ekekanisa, "Kolototo yesi akwapisinei kere; kolimonokisi Akiro Nukajokak; aanyununeta nu: einer kotoma angajepa, kitangaleta, kismamaete nukapedor..." Adaun bo aojau anyoin? "Akwap kere." Imwasi-imwasi bo ai? "Neejai nginisubat." Erai nen apak kere kiton awasia ne, "Kiton angeset." Eebo. Etupanakinete aanyununeta nu ekanisa lo? "Ngul luyunete, kotoma akwap kere. Akwap kere, neejai nginisubat, etupanakinete aanyununeta ngul." Mere *lu*, "ngul" luyunete. Aso erai Ekanisa loka Pentekosit. Ianyu?

20 Kwana, iloma oni toma atur na, kane cut nekijai oni atibong na toma Piladelupia, *P-i-l*, Atur naka Ekanisa loka Piladeupia. Kotoma atur ngin kangina, elimonokit ido iyakianarit ikiyafia, adaun akwap kere kede acoa naka asioman.

Abala Yesu ebe, "Naelimonokinere Eijiri lo-Eijiri lo elimonokinio akwap kere kanuka ajenanut neajai Eong, kojaun do awasia." Kwana, do, arai erai ngun kes nuenera Ngesi nukec, aisiarakin acoa, aiyakianar ikiyafia kede aisiom, aiwadik, aimar, ka aikor iitabon ludidik ka ainakin itunga aijang akanin ka aiyuun ebe ejai Edeke. Arai erai kes ngun kere odaun, akepolou elam do Ngesi elwanat sek Akebongun. A-ha. Aso

itodunit ebe Eijiri...Abala Paul ebe, "Mam akiro nukajokak eponitos kede Akirot bon, konye kotoma apedor ka aitodianareta nuka Emoyo Lokalaunan."

Kosodi Yesu atemar ebe, "Kolototo yesi akwapisinei kere kolimonokisi Akiro Nukajokak," Abala Ngesi ebe, "Kolototo yesi akwapisinei ido itodianasi!" Oo, aminakit eong ngin. "Aitodiar apedor naka Akiro Nukajokak." Alemun Akirot, ngun nuinera Ngin, kosodi aitodikin itunga nuebala Ngin kosodi ainakin Ngin aitodiar mamakec. Oo, ngol nges eipone. Ngin nges itogogongoori Ngin.

21 Oo, Neabu lokapolon Morris Reidhead, ebwoi kangina kotoma kagolaka apaaran ngin, ekapolokiniton loka Sudan Missions, naepol kotoma akwap kere; neabalar ngesi ebe, "Onac Branham, kwape iraar ijo loka Baptist, ibusakinit ijo kojoni nueraas Abeit."

Abu eong atema ebe, "Ebaibuli nges Abeit."

Kosodi ngesi atemar ebe, "Eebo..." Abu ngesi kotema ebe, "Inyobo ejaatar Ipetekootin lu?"

Abu eong katema ebe, "Emoyo Lokalaunan." Ianyu?

Ido kwangin abu ngesi kotema ebe, "Oo, aanyunitor eong kes ebwangabwangaete abao ka apetepet iboro."

Abu eong atema ebe, "Eebo! Ibore bon yenerai ngin nges, yesi ibongoritos kau ido ikunyaritos awai kama ejaas ngul." Ejaatar kesi kekwan loepol, tikeinakisi amopiira akerit kosodete aswam idiobore, konye ekutakinete kesi epirigi, itei ijo. Abu eong atema ebe, "karai ti kesi aibwaikin ngin kwap ne, tikes ejaas kede aanyununeta, nukaumokin ka nukapedor, ka nginibore kere. Konye mam kes ejenete nuebeit aswam kede ngin, ebeit ngin kolot nenice, aso iwororete kesi ngin aiworoor kosodete akutun ngin kinga."

Umm, ejok do eong akutun ngun kinga itia aibwait ngin ka amamus kede ekwan lokutuna kinga. Mam ti ijo ikoto kwangin? Kwape atapitor ekesa loamojongit alimunun, "Ejok do eong akurian akim...ejok do eong ajaut kede akim namam ejena neebunitor itia amamus kede akim cut."

22 Ationis naka ngin lolo, kitamit oni *ainomun aputo* naka akim, atemar ebe, "Ijeni ijo, kokau kotoma apak naka Pentekosit, apotu kesi kiswamata *nu*." Kwana ajokis anyoin iswamauni aitodikin etunganan loeyarit aiterot (loitingit aiterot ayapikin atwanare) aputo naka akim? Mam ngin elosi aingarakin nenidio da. Mam. Ejai ijo...Ekoto nges adumun akim alopet. Ido arai ejai apedor naka Edeke naabu koinak luka Pentekosit aswam kanuka Ejakait, ka aswam aswamisio ka aanyununeta nuapotu kesi kiswamata; arai bon mam ijo ibuni *ainomun aput* ainomun, konye koyangau ibore ilopet nejaas kesi, epote kesi adumun aipup ngipengin, aitajario ngipengin, aipucakin akecejenanut koipone kalo apotu *kwi* kiswamatar. Ianyu? Konye ejai ijo ayangaun ngin nejaas kesi. Mam ebeit ijo aimarakin ngin nejai acetur, konye koyangau ngin nepene cut.

23 Kwana ianyuni oni ebe atur na naka amin naka enacane arai atur nakapolon naka ayakian. Abala Yesu ebe, "Nejaas akwapisinei kere, ido neejai nginisubat, *ido* etupanakinete aanyununeta nu."

Kwape kipou oni ketorunotor toma akiro nukolo ido kotoma Obaibuli, akoto eong aingit ijo, mam kereka abu nginikuar...? Kisiomi oni kotoma Obaibuli kane nuabu Yesu kolimok Yokana ebe apote aiswamaun, ido kanepokane cut kipou kalemutu akiro nukolosek eswamas kasodete aitogogong ebe apotu teni kiswamaunos. Cut becebec. Ido ngin nges apolou abu eong kajaunotor kede apak kwa kangin angicun ikiliok lu kanu aanyun neajai ebulesit ngol loka Edeke loabu kodaka Aisiiraret na cut iingaren, konye ajai ngol nen. Ajai ngesi nen, kwape abalar Ebaibuli, abu koric Aisiiraret kwape cut kageunet, mam abu kobolianar kede Ngin.

Ido ianyunit oni Ngin ebe aponi nepetai kiputarai cut, ido abu Ngesi konyara atur ngipengin "atur natwan," amutono, kaceda. Kosodi do, aica naadit alomun, kosodi konyet agogong adio, kosodi do alosit cut toma Pentekosit (aijen cut alope) bobo da cut kotoma angeset naka apak; kosodete do Ateran alemar, ape kolosi do Ngin; kosodete ican abongun bobo, eebo, Ican Luipu luebunokinitos akwap kere.

24 Kwana atur nakaumokin naka ikiyakia, amin naka einacane, atur naka aiyakianario. Mere ber eong kemarak ijo ikiroria lukaumokin (ido abu eong kewadik ikecekiroria ne): John Wesley; George WhiteFie-... Whitefield, arai ngesi loajai nepetai kokaru 1739; Charles G. Finney; Dwight Moody; William Carey, ekiyakia lokaumokin loabu kolot India kokar 1773; David Livingstone, abu kolot South Africa. Itei ijo, ngul kere, ice kotoma otunga kangul lokaumokin. Ajaatar eong kikiroria luka luipu kakesi kane, itunga lukaumokin luapotu kojarata kotoma atur kangin naka amin naka einacane; naabu, etunganan lokirionon, etunganan loakwangan, etunganan loarengan, etunganan lodos, arwatatin kere aponi kotiyaikinae kwap, kosodete itunga lu alosit toma omanikoria luka ayakian, Amin naka einacane, arior akan nejaas akwapin kere kanginiiboisit, ido aponi kongaikinae nejaas kesi ebe apedorete kesi alosit. Acetur naka ekek loengaara, naarai mam kes apedorete...Eroko ngin mam tikes kepedosi aswam ngun, ipaapa ka-ka adokena nuka ipaapa nuka Rome kaceda agolokinitos ngun kere kiton neemam ngul apedoriat alosit. Konye kotoma atur kangin aponi kongaarai ikeka, naarai abala Ngesi ebe arai atur naka "ekek loengaara."

25 Apotu kesi konggaasi ikekia luipu katur kangin: ekek neejai Eijiri, ekek neejai imanikoria luka alimonokin, e-e-ekek abongor neejai Kristo, ido nginibore kere aponi konggaari kotoma atur kangin. Ido ipedori ijo aanyun nuapotu kesi kiswamata, apotu iinacan kiswamata aswam naepol kotoma kangin.

Ido kama ejai John Wesley, aacerit akaulo naka Atur naka Sarudio, abu ngesi kobu aitwekenyun kes kama katur naka Sarudio, adaun ikar akwatat akaisakany luatuboros ikiyakia lukaumokin (bala mere kwape kadiopak araibo katur nakokau) eriam akwap kere. Koomoom nuikamunitos ngun. Kanginikwap kokwap naka akuj apupu Akirot. Abu kongetak ikar luipu, luipu, luipu noi, itei ijo, konye mere Akiro Nukajokak, Akirot bon. "Eari enyukuta konye Emoyo nges einakini Aijar." Ianyu?

26 Neabu eong kabwoia ko South Afrika, kangina kotut apaaran ngin, kasodi aanyun ebe ajaas ilukumin irwan ilukumin iboiete kokinga kanen, luka Mohammed. Ido abu eong keriamunos kede ekiyakia loka Mohammed ediopet. Kosodi ekiyakia lo loka Mohammed atemar, "Oo, kanuka etau kangol loketiai." Kwana, ajai lem etunganan ngol nen adaun ikar ka ikar, ido abu kibelokite loka Mohammed ediopet neejai Kristo. Naarai kelibunit loka Mohammed kanejaasi Imedin-lu-Iperesian kwape mam ikecekisila ijulakinotor karaida aibelokin, nakeraunotor kesi luka Mohammed, eraas kesi luka Mohammed apakio kere.

Aso kangina ajaatar kesi ketau ngol ediopet loenera onac lo nuke, ebwoi kokau kanen kalaro naka Pretoria, eibuga lokapolon loko South Afrika. Erai nen kuju toma-toma akawap nakailajaara, akwap nakailajaara, akwap naka Orange, ido kalaije ko Transvaal.

Kasodete isio alosit anyoun kanen, cut kiton Capetown ka Bloemfontein, kasodete aitor orot ngol; kasodete abongun kiton Grahamstown, East London, kasodete do alomar...abongor kau toma Johannesburg bobo akaulo isio anyoun ko Capetown, kasodete abunore oitolima.

27 Eebo, etaun lokawasia lokipou isio kalototo toma arai Durban, neapotu isio katukokinatar ikulepek akwap ngin, ajaas itunga ilukumin akwatat akaisakany arai ilukumin akwataarei luka ikulepek akwap ngin iboiete kokinga kanen, luka Mohammed, ikulepek akwap ngin, kidaunit isio...adaunitos kesi...ayangaikin isabiitin epesikina...oisawe loilaaganere aiteker abalasin, loepol noi adepar Churchil Downs, naiyareit kotoma apolus kotoma akwap kere; London nges ejaatar napolon kakere, South Afrika, ka-ka Churchill Downs. Kosodi ajaatar kesi aigaliunet naarai ajaatar kesi kejie loka atekerin, kosodi ipolisin (edarak akwataarei arai akwatauni) abwoete kokinga kanen emeanakinete nginiteker toma aigalisit tetere mam ejiikinos adiopet kanace, kosodete ademar kes imuudun kede akecekwaras ka ikilenga, ka ice da luengadatos kesi. Kiboiete kokwap kanen, koseseni ediopet toma aigaliunet kanejai nace, ka ijiisio luka atekerin. Ipolokokec luka atekerin ebwoiete...etukokinitos kes...icetunganan kede aipuket ipuki kes koipone kangol, ka akabakan. Abu akabaka naka Rhodesia kobu kede imotokan akaisaarei ka lukanykaarei ilelelba itunga arai agaalin arai abasin ilelelba itunga anyoun ko Rhodesia, kanu ajaun toma airiamun. Kosodi agaali naetegelikina aijesun abunore.

28 Eswamai Ejakait iboro lukaumokin, laumonokineta nukapolok ka kanyununeta da. Ido inyobo kipou isio kadumutu? Sidney Smith, emeya loka loko Durban; kilosi kinga kapaaran kangin abu eong katema ebe, ingaibo ekesa ngol...ejenunet ngol komorosingike, airimun?" Etunganan lokirionon, kwape tikinyara oni kane, ateker naka ikerionok. Ngul kes ajai eong alimonokin kangina. Ido luipu kotoma kakesi mam anapitos igoen cut, amamei ibore, ikiliok ka angor da. Aso do, etingit ngesi aputosia kakanike ido ajaatar ngesi kejenunet komurisingike. Abu eong katema ebe, "Lukangai bo kesi...ido lukinyo bo ijenujeta ngul luejaas omurisingiakec?"

Ebala, "Eraas kesi Ikristayon."

Abu eong atema, Ekristayot? Kede aputosia kakanike?"

Abu ngesi kotema ebe, "Eebo, Onac Branham, eong...era ngesi etunganan loka Songhai," ebala, "Apedori eong einer akengajep." Ebala, "Eebo, kitekeria ber ijo kuju ngina, kosodi ijo ainerakin kede nges, konyara ber ijo nges idiobore yenikoto ijo. Iner ber ijo bala ilosikinit ijo aingit nges aingiset, abuni do eong aingit nges kasodi konyet alimokin ijo nuabala ngesi."

29 Aso abu eong atema ebe, "Biai bo ijo Thomas?" Abu eong anyara nges ebe Thomas naarai aomit eong abala arai ngol ekiror loajok loebecokino. Kasodi eong-abu eong katema ebe, "Biai bo-biai bo ijo, Thomas?" Kosodi ngesi angoliar eong. Kasodi eong atemar ebe, "Ijo irai Ekristayot?"

"Eebo," arai ngesi-ngesi Ekristayot.

Kasodi eong atemar ebe...Oo, ejena, mam nges ajeni eong. Mam ngesi cut...amamei kotoma kakesi yen aanyunitor eong ber. Aso abu eong katema, "Inyobo do iswamai ijo kede aput ngin?"

Nges, "Oo, papake nges anapit ngin." Itei ijo, arai-arai ideke. Ianyu?

Kasodi eong atemar ebe, "Biai...papakon anapit ngin." Abu eong katema ebe, "Eebo, mam ngin erai adiopolou naebeitor ijo da ainapit ngin. Irai ijo Ekristayot, mam ibusakinit ijo anapit ngin."

Abu ngesi kotema ebe, "Ijeni ijo, apak adiopet abu engatuny korukio papake, kosodi ngol adukun akim kosodi atemar ebe ailip naabu emuron loisigira kolimok ngol, kotoma aput kana, ido abu engatuny koker awai." Earenetete itiang luipu kakesi kangina. Kosodi ngesi...

30 Kasodi eong atemar ebe, "Koany, mam kerai ailip naabu emuron kolimok ijo, kerai akim nges kebu kirengea engatuny awai." Abu eong katema, "Ekuriana engatuny akim." Kasodi eong atemar, "Kwape Ekristayot, Thomas, mam ebeit ijo anapit ngin. Mam ebeit ijo kojaatar kidiobore yenikamunit ngin."

Kosodi ngesi atemar ebe, "Oo, eebo," abu ngesi kotema, "Arai Amoyah..." "Erai ngin apedori naamam etakani, Ekosideke lomam isio kiseseni. *Amoyah* erai akepolou icebore, "apedori bala kwape nat ekwam." Ebalala, "Arai-arai kekurwoki Amoyah, mam ekurwokini na." Aso adakit do ngesi ngul kere iarei, "Arai kekurwoki idiopet, epedori do yenice." Kwana, ngin nges agogong naka Ekristayone. A-ham. Eebo. Oo, ikatunga.

31 Konye do atibong ngin, neabu Emoyo Lokalaunan kobunio kwap kotoma airiamun kalero nailaganere aiteker ibalasin kosodi ageun apukonor nukayeiyee nuka etau, akaulo na eong alemun Naiwadikata...

Nepetai esawa ediopet, neabu teni koyangaikina eong idakikan itomonakany, naarai ajaatar kesi ikejulak itomonakany luagelgela kanu aitor toma. Aso enera eong-eong kwape nat, "Yesu Kristo Okoku loka Edeke"; ido kolimuni *lo* ebe, "a, ba, ba, ba, ba"; kosodi *lo* ebe, "glu, glu, glu, glu"; obuni "um, um, um," koipone kangol; kere apoloukec "Yesu Kristo Okoku loka Edeke"; ikejulak. Ido ajai eong aiwadik nualimunit sek eong kawasia, mam eong apedori ajenun neajai eong, kasodi konyet aidar kiton neengetakiniata kesi.

32 Ido neabongunio, abu eong katema, "Kwana, abu ekiyokia kolimok yesi nuka Yesu loabunit aitajar yesi." Ipedori ijo asesen kesi engolenikinos, ijeni ijo atekerin nuegelegela anyoun cut kokuju ngina ka kwap kwangin. Abu eong atema, "Abu ekiyokia kolimok yesi ngun. Konye abu kereka ekiyokia ngol... Kotoma aisiom Eitabo lo, yesi apotu koanyutu nen nearaar Ngesi Eketangaleon lokaumokin kosodi atemar ebe abuni Ngesi ajar cut anatar aturio kere kotoma otunga kiton Nges abongun bobo? 'Aswamasio nueswamai Eong iswamaete yesi da.' Yesi luicamunitotor Yesu kwape Ekusiketajaran, kede ijenuneta ngul luinapitos yesi, yesi ipudas aanyun Yesu ebonguni ne lolo kosodi alosit kotunga ka aswam da ibore ngipengin yenabu Ngesi kismama neajaar Ngesi ne toma akwap?"

Oo, kesi kere, "Abeit cut!" Akotosi kesi aanyun ngun, itei ijo. Ekotosi ngun.

Abu eong katema ebe, "Kosodi do arai kismama Ngesi ngun, aitwasam oni aswam ibore ngipengin yenabu Ngesi kismamate neajaar Ngesi ne toma akwap, yesi iyuunete Akekirot?"

"Oo, abeit cut!" Itei ijo, iboie loka Mohammed kokinga kangina.

33 Losodit...itunganan yeniareit kotut nges aberu na kerai nokodiini loka Mohammed. Emoyo Lokalaunan inera, abu eong alimok aberu eong elopet, abu eong katema, "Kwana ijeni ijo ebe mam eong ajeni ijo, mam eong apedori karaida ainer akoningajep." Kosodi ngin acamun ngun.

Ejaatar ngesi ilimakinet yenarengan kiding kakonyeke kane, akepolou ebe etopolounitai nges ejok noi kotoma odiini loka Mohammed. Aso, abu eong katema, "Eebo, kwana kanu aitangaleun ijo, mam eong apedori aitangaleun ijo." Konye abu eong atema, "Ijo ibu komisiik e...Nuabala eong apaaran na, Aisiiraret?"

Kosodi ngin-ngin abongokin neejai ekejukan lokodiini loka Mohammed ebe...Arai ngesi nalomunit ko India, nuarai ngesi. Abu ngesi kotema ebe, "Eebo, abu ngesi komisiik gun. Abu ngesi kosiomite Aitutuket Nakitetet." Oo, eebo. A-ham.

Itei ijo, iyuunitos kesi da, Edeke. Eraas kesi da ikinyomit yenika Aburaam. Ianyu? Konye abu kotema ebe "eyuunit ngesi Edeke," konye, "eyuunit ngesi ebe Mohammed nges Ekenabi." Ido iyuunit isio ebe Yesu arai OkokuKe. Ianyu? Aso abu ngesi kotema ebe, oo, "eyuunit ngesi Edeke."

34 Kasodi eong atemar ebe, "Dodo arai ijeni ijo Aitutuket Namojong ido kojoni nuarai Edeke kolo kotoma otunga luatuboros, kotoma aturio nuatuboros, doodo Yesu, Ngol lokinyarit oni ebe Kristo,' kiburai araut Enabi loerai Edeke. Ngesi...aponi koarai Ngesi. Iwomit ijo mam kes apotu koarata, naarai ibala ijo ebe abu Ngesi kibwanen abalasiit nakakwangan kosodi akerit awai. Ngun kes isisianakitai yesi ekusisasedoti, ebe, 'Mam Nges aponi koarai cut, kwana. Ido ebe abu Ngesi kotwana atwanare kwape kaluce itunga kanenice, ikar akaulo konyet.'"

Abu eong katema ebe, "Iyuunit ijo ngun. Konye Yesu lo, eipone...kwape kejaar kotoma Aitutuket Nakitetet, abu Ngesi kotwana kosodi ajarun bobo, kosodi aijukun Ekemoyo neejai Ekekanisa." Kwana idum ijo kes, itei ijo. Nen cut bec abu loka Mohammed kiningio Billy Graham, itei ijo. Ibore ngipengin, ikisila da ngupengul.

Abu eong katema ebe, "Kwana arai...Mam Mohammed abu koinak yesi adioisumuneta. Konye abu Yesu koinak isio aisumunet, ebe aswamasio ngupengun nuabu Ngesi kismama iswamai isio da. Kwana, iitunit ijo

ebe alimunit Ngesi kotoma Yokana Lokalaunan 5:19, 'Mam Eong eswamai idiobore kiton neetodikina Papa Eong.'" Abu eong katema, "Kwana, arai kebu Yesu kasodi aitodikin eong akonitionis arai nuijaar ijo ne, alimokin ijo nuebeit atakanikin ijo, ido arai epedori Ngesi alimokin ijo nuerai iingarenikon...nukokaukon, abeit cut iyuuni do ijo nuebuni ingaren araun."

Abu ngin kotema ebe, "Abeit ngin." Itei ijo, kama ejai ekejulan.

Kasodi eong atemar, "Eebo, kiswamau do Ngesi ngun."

35 Kosodete ngul luka Mohammed kere anyoun aibwo, kosesenete, ijene ijo. Neatemara Emoyo Lokalaunan ebe, "Okilenikon, euriana, korai etunganan loelangir, kojaas kamasiribun nukiriokok. Kijai ijo neajai emuron loadekis, bala apaarasia auni kau." Ebalala ebe, "Ijaatar ijo kidwe iarei. Abu ngol koanyana ijo aanyanario naka angor, abu ngol kotema ebe, 'ijaatar ijo kaiboisit naegolokino kakoik.'"

Abu ngin kolur kwap, kitulur akekou, abu kotema, "Abeit ngin."

Kasodi eong atemar, "Kwana, arai isiom ijo Aitutuket Nakitetet, erai Yesu ngol Loabu kolimok aberu kotoma atan?"

"Erai ngin abeit."

Kasodi eong atemar, "Eebo, inyobo ainakini ijo ibuni neajai eong kwape Ekristayot? Inyobo mam jo ilositor neejai enabikus Mohammed?"

Abu ngin kotema ebe, "Aomit eong ebe ipedori ijo aingarakin eong."

Kasodi eong atemar ebe, "Mam eong apedori aingarakin ijo. Konye arai icam ijo Yesu lo Loejai ne kwana, Loejeni akoniijar ido ejeni kere nuikamunitos ijo, kingarakini Ngesi ijo."

Abu ngin kotema ebe, "Acamunit eong Yesu kwape Eketajaranika."

Ngol nges abu kiswama ngun. Arai kwangin. Luka Mohammed ilukumin itomon kes apotu kopotu neejai Yesu apaaran ngin. Ianyu? Nepetai ikar akaisauni komanikor loka ayakian, ido abu kibelok idiopet koipone lokacoa; neabu, kotoma apak naka idakikan ikany, ilukumin itomon luka itunga kes apotu kopotu kanuka aitodiario naka Akiro Nukajokak.

36 Mam Edeke alimokinit oni aiduk ikanisan, mam cut alimokinit oni aiduk isomeri. Ejokuka ngul. Adekesia ka ice da, ejeni Edeke ebe kipuda oni ngul, eraasi Akeinapeta; konye ayakian naka Ekanisa erai "Alimonokin Akiro Nukajokak!" Konye kikori oni ipapulai ludidik, acoa naka aiwadik ka aisiom naelomunit ko Asbury, iboisit yen yenididi kokuju kane naa...Kisirereng Edeke itunga ngul, isomero ngin yeniko Methodist kokuju kane ko Wilmore, Kentucky, nges ediopet kotoma kalu ejokuka kakere, imoyoikit, iboisio ludidik kotoma akwap, aomit eong, kotoma apak kana. Eraas kesi itunga luejokuka.

37 Ido ajai eong alomun kinga naka...kemurokit eong...Arai Rhodesia, konye mam eong ajeni ekiror loka etaun. Billy, ipedori ijo aitun ngol? [Kotemari Billy Paul ebe, "Salisbury."-Ekewa.] Salisbury, abeit ngin, New Salisbury. (Erai ngesi aiituneteka.) New Salisbury, Rhodesia. Ido kijai isio alomun kinga naka Rhodesia ido abu eong kaanyu apaspot naka Amerika nekijaar isio alomar odege, esapat ka ipesur iuni. Kasodi eong atemar...abu eong kalot nekec, abu eong katema, "Biai bo yes." Abu eong katema ebe, "Aseseni eong ebe ijaatar yesi ka apasipot naka Amerika."

Abu ngesi kotema ebe, "Inera ijo Amusugun."

Eong ebe, "Eebo," abu eong atema ebe, "Arai eong-eong loka Amerika."

Ebalala ngesi ebe, "Eebo, ejok ngin."

Eong ebe, "Yesi ijaas alosit."

Ebalala ngesi ebe, "Mam, kirai isio ikiyakia."

Eong ebe, "Oo, ibus biai!" eong ebe, "Abeit cut eyalama eong noi airiamun kede yes." Kasodi eong atemar, "Aibo ilomunitotor yesi? Ekanisa bo ali, araibo ijaas yesi kede erionget, araibo ilajaara yesi?"

Ebalala ebe, "Mam, kirai isio luka Methodist. Kilomunit isio ko Wilmore, Kentucky."

Eong ebe, "Erai ngin nepetai alaro nakaguulekang, kore." Abu eong katema...

Ebalala ngesi ebe, "Mam nat erai ijo nges Onac Branham kokuju kane?"

Abu eong katema ebe, "Eebo, ipa. Nakabeit ngin." Ido abu ngin-ngin kisinapik nges cut kanepakanen. Itei ijo. Mam bobo nges apedori einer. Ido abu eong aanyu eipone loabu ngesi kojaunor, abu kongolia nejaas apesur ngun, apotu kongolenikinos koipone *kangol*. Eong ebe, "Ipak edit ber okoku." Mam nges

arai idiobore konye etelepat. Kasodi eong atemar ebe...ka apesur da. Kasodi eong atemar ebe, "Epuda eong ainer kede yes kere ipak edit bon kanuikamunitos ikisila luka Ekrstayone, irai oni kere, ido ijai oni ne kanuka ngupekangun. Akoto eong aingit yesi apesur auni ka ijo esapat, 'Yesi ipedorete Kokiror loka Yesu...' Ibalas yesi ebe ijaunos kwana yesi ne ikar iarei. Yesi ipedorete adodun ediopetau loiyangautu yesi neejai Ejakait? Etau ediopet?" Mam apedorete aswam ngun. Mam karaida etau ediopet.

Abu eong katema ebe, "Mam eong akoto aitakadikin yesi, mam cut." Kasodi eong atemar ebe, "Esiyalamikinit eong nuiswamaete yesi, konye ibusakinit yesi apesur kojaas ore aingarakinit toto kede asanin. Edolit ngin cut. Imameotor yesi ibore yenikotosi kane. Naabeit ngin cut becebec."

38 Ido emamei itunganan yenejaatar kede apedor alosit alimonokin arai mam edumunit Emoyo Lokalaunan kosodi alimonokin apedor naka aitodianareta, naarai ngin bon nges ibore yenisirienguni itunga. Ido koany amukuran nuijaatar yesi kwana ka nginibore, erai naarai ebe mam elimonokinitai Ejiri lokabeit nekec. Einakinitai kesi kotoma aput naka akirot. Eebo, koany ber ijo naerai ngin? Erai ainyikokinite naka-naka "yen abu koku" naka Luther, naabu koinakina akwap aiwadikaet naka titai, naabeit ngin, araiboot Ebaibuli loka titai.

39 Kwana, kwana atur na, atur nakaumokin. Kwana, kageutu kwana, acamunit eong ebe kijai oni toma... Arai ngin ngin ayogan, ekokoro 7. Kiton...

...ido...kiwadikak emalaika loka ekanisa loka Piladelupia ebe; inera kwanata lokalaunan, lokabeit loejaas kelacet loka Daudi, loengaari kwabo emamei yenegoli, loegoli da kwabo emamei yenengaari ebe;

Alimunet bo nateni na! Cut ngin mam? Alosi eong-eong abongun neejai ngin katipet, naarai iyatakinit kougaren kotoma Kanaiwadikatai Obaibuli kane.

Ajeni akoniswamasio. Koany, ebwaik kakonyenekon ekek loengaara, lomam epedori itunganan kere agolokin. Ejai ijo apedor naedit, iricit da akakirot, kwabo mam ibu konger ekakiror.

Kwana, kwana koany a-apak naebunit kwana, akaulo naka aikunyakinat naapolon naka ikiyakia naabu konata akwapisinei kere, naka amin naka einacane, ayangar nuajaatar kesi. Mam eong etoronit ngin, nukacoa ka ace da, toma aiboisio nuegelegela, kakwap. Kwana, ekanisa lokediini kebu kebongo nejaas aswamasio nuka asioman bobo. Itei ijo, abongo kau.

Akaulo naka erionget lokapolon asipokinio, abu Yesu kibwaik "ekek loengaara." Akaulo naka atur naka Wesley adaun alomun toma kosodete asipokin ekanisa loka Methodist toma akwap, abu koliaa, kopoloi, aiswamaun ekanisa lokapolon loerai ngesi lolo, ediopet kotoma kalukapolok luka, ikanisan luka Protestant, ido apak ngin, ibore yenabu kiswamaun kapak kangin, arai, abu Yesu kibwaik "ekek Loengaara" kanuka ekanisa eroko kes kelomara toma atur naka Laodikia.

40 Apolou naenerar eong nu koipone kalo, tetere ijo ianyuni nuapeleikinit eong kanuka ailapakin. Ianyu? Erai kama ejai atur naka ikiyakai naka ekek. Konye, itei ijo, adaunit Ngesi-adaunit Ngesi alimokin kes ebe ajaatar Ngesi kelacet loka Daudi ka ace da kwangin. Konye kane abala Ngesi ebe abu Ngesi kosipok iingaren naka ekanisa kwana; akaulo naka atur ngin naka ayakian, ka Whitefield, ka-ka luce ngul kere, ka Finney, ka Sankey, ka Moody kolosi kwap (Moody kwape araar ediopet lokawasia.) kobuni kwap kiton kwana abu Ngesi kosipok ekek loengaara iingaren naka ekanisa. Oo, ne kwana nges ebeitor ijo aikweny. Ejai cut kiding naka Piladelupia ka atur naka Loadikia, ailapakin.

41 Yesu nges Ekek! Kwana, kopukos kede eong Yokana: 10:17. Kegangata ber oni na kwana, kojeni ejok cut ebe...Luipu kotoma kayesi ti kiyuutu. Ido ti icetunganan etema ebe, "Eebo, mam eong-eong cut...abu bon ngesi kolim ngin alimun." Akoto eong aisiom ngin. Yokana, esula lo 10, ka ekokoro lo 17. Yokana 10:17. Eebo, kasiomata Akiro nu. Kitimoj, Yokana 10:7, mere 17.

Kolimok Yesu kes bobo ebe...Abeit, abeit katemari Eong yes atiar, arai Eong erute loka anuk naka amerekekin.

Erai ngin abongor neejasi arerengusio. Eipone ali kilomaria oni neejai Kristo? Ingaibo Ngesi? Anuk naka amerekekin. Atapit duc eong abuonokin nuikamunitos ngun, Inyo? Ngesi epedori biai araut Ekek, korai etunganan?" Kwana, kalaije kotoma-kalaije kotoma akwapin nukokide kangina, abu eong kadum kadiopepak neabu eong kaanyunia ebe abu ekecokon amerekekin, kotoma osawa loka akuar, eyangari ngesi amerekekin toma anuk, emeikini ngesi kes kitoritor okek. Ido kedau ngesi aitolomikin ngun kere toma nen, imari ngesi kes kere kanu aanyun arai ejaas kesi nginidiopet toma. Kosodi ngesi apero okek, ngesi elopet. Emamei ibore yenelomuni toma nejaas amerekekin, arai adiomerekek alomar kinga, komam itorit neejai ngesi. Aso Yesu nges Ekek, itei ijo, neejai anuk naka amerekekin.

42 Ido abu kajai eboie komotoka loenyarirai Jeep loko Britain, kasodi eong alimokin ekesa ece, eong ebe, "Eraas ngul..." Apote ikecokok amerekekin kitoritos oibuga, kosodi epirigi aruikin, kosodi nginitunganan aikamun ikesiisan, kasodi eong aomoom, "Inyobo ationis?" Ido arai ekecokon alosi kitorite oibuga kede akemerekekin.

Kwana, kalaije kokide, mam erai bala kwa kane. Iperiknete kesi ikeceboro kere kinga-kinga kosiep naka etogo kotoma aiboisio nukosokoni. Ido ejaas apples ka araito nuka Pears, ka eipone kere loka araito, ka araito nuka grapes, kiculanaritete kuju ejok noi, kiculanaritete kuju kotoma okokoro koipone kalo, kokeri kwap. Ido kobwoi nginidiopet luka ikagwelanarak kanen ido kotamite aisupar ijo agwel ice kotoma araitoke ka iboro.

43 Eebo, ekecokon amerekekin lo, abu kolot cut kitorite orot ngol lokapolon. Abu eong katema ebe, "Onac, ne nges elomuna ejie toma, abuni eong anyoun aibwo kosodi asesen na."

Kosodi onac lojaas kede eong etemar ebe, "Ibuni ijo aumokin, Onac Branham. Kosesen." Nginibore kere abu kobwou. Kolosi eokon atubor, komam epodokinit, kanginimerekek kotupite nges cut bec. Kotupite ngol! Arai esubakin ngesi kwana kosodi aibelokin, ngini...amerekekin nuajaas kauke da asubakinos, natupakini atupari nges, natupakini atupari nges, cut airimor kosodi aibelokin.

Oo, eipone ngol kitupitor oni Ekecokon! Erai ngin nakabeit. Kolosi cut kokiding naka erot kangol kanu adumun icebore cut kangeset kosiep kaloce kaje, ido kotupitos nges amerekekin kwape kekingok. Angoliarete kesi kosodete asesen iboro ngul, konye atupitos kesi ekecokon. Oo, aminakit eong ngin! Itei ijo. Abu eong katema, "Oo, onac, karai ti eong kapedori einer angajep na, ti eong kalimonok kwape kwana." Ikoni nen. Eebo, mam nges-nges ebelokin teten arai kediany, konye asalakin cut kau naka ekecokon.

44 Ngun kes eswama Ekanisa korot kere anatar, asalakinit kau naka Ekecokon, Emoyo Lokalaunan loingarenikit oni toma Aijar Namam Edaun; komam ibelokin naarai erai lo ekanisa loti loibus, ido lu ejaatar mutan luisisiatos noi ka mutan-mutan kwangin, konye kosalak cut itupit Ekecokon. Neelosi Ekecokon kere, kotupitos amerekekin, "Akamerekekin ejenete Ekaporoto, ido epejonon mam kes etupakinete." Abeit ngin. Ngesi...Ejeni Ekecokon nginiruo ka nginibore kere yeneinakit amerekekin ngun ikote nen.

Kosodi do nakilomuna isio kinga naka eibuga, arai ibore yenaumokin, abu eong kaanyu-amisiri kokinga kanen ka icetunga eperete kosiep, ido ajaatar kesi asigirian, ka akituk, ka ipegei, ka amerekekin, ka akinei, ka nginibore kere kokinga kanen. Kasodi eong atemar, "Eebo, lukangai ikesa ngul kokinga kanen?"

Ebala ngesi ebe, "Ikecokok."

Eong ebe, "Ikecokok icokiete asigirian?"

Kosodi ngesi atemar, "Eebo, ipa."

Eebo, abu eong katema, "Aomit do eong-eong ebe ekecokon erai akepolou kanuka amerekekin bon."

Abu ngesi kotema ebe, "Mam. Ekecokon erai ekedaran, eketeon." Ido kalaije kakwapukon enyaritai kes 'luetacitai acok ibaren' ka-ka iboro kwape kangul."

Abu eong katema, "Oo, aseseni eong, ekecokon nges ekedaran."

"Eebo."

"Eseseni ngesi ibaren."

"Abeit ngin." Ebala ngesi ebe, "Ibore yenitegelikina ejai osawa loka akuar, neeraar ijo...etiono. Ijo kwape ejanakinan, eebo, aticepak alimokini eong ijo icebore." Ebala ngesi ebe, "Kebu esawa loka akuar... Erai abeit icokie ngesi nginidiopet kakesi, ingarenikit kes ka aingarakinit kes kosodi aanyun ebe edumunete kesi iboro lukajokak kotoma apaaran. Konye needoluna akuar...inyubui kere ka asigirian ka akalai, ka idiobore kere yenejaatar ngesi, ejalakinio esalit kinga misiri. Konye etukokini ngesi amerekekin kosodi ayangar kes anak."

45 Oo, abu eong atema, "Ejakait, kitaraunai eong amerekek, nginibore kere yeniswamai Ijo!" Ianyu? Naarai needolunioa esawa loka akuar, akoto eong alomar toma anak naka amerekekin. Alomar toma Okek, alomun kotoma Okek. Yokana 17:7 kane araibo-araibo Abala ngesi ebe, "Arai Eong..." 10:7, atemasi. Abala Ngesi ebe, "Arai Eong Ekek neejai anak naka amerekekin. Kere luepote akauloKang eraas ikokolak ka angatak, konye mam amerekekin apotu kiirasi ngul. Arai Eong Ekek, kanejai Eong arai kelomu idiotunganan kere toma, itajario ngin, ido elomari toma ka kinga adumun amelo."

"Kwana, asipok Eong iingaren naka ekanisa kalo, akidingos naka atur naka Piladelupia ka atur naka Laodikia, ekek loengaara." Oo, ijo imisiik ngin kwana? Ido isikapikite aomisiokon ejok cut teni ido kiketet? Kopupok kwana, ejok na. Alimokini eong ijo, erai Esike kotoma Atiida, alemunun amoru nu nuketiai kinga ka aikeun kes kuju.

46 "Arai Eong Ekek neejai anak naka amerekekin!" Ali bo Ekek ngol loaponi kibwaikinai, kwana?

Kabongosi ber oni toma aomisiowok. Ido kotoma atur kangin nakapolon naka luyakitai naka Methodist, naabu kitor toma akwap kede aisiiraret naka aitalaunio. Luther kotoma aitojokio. Abu Wesley

kobu kede aisiiraret naka aitalaunio. Ido kotoma angeset naka atur naka Methodist, angeset, neabu kogeunia aliaar kosodi ageun araun erionget lokapolon. Ido negeunia ediokanisa...

Kwana kopupok, egogong ngin noi. Konye akoto eong idiotunganan aitodikin eong nenidio kotoma aibunget naka akiro nueswamas kolosek. Ediokanisa loitonyounitor Edeke, loabu kolom koipone loka Pentekosit komamei ediorionget; ido nape keraunor ngol erionget, kotwani ido mam abu konyou bobo cut. Oo, abu emeebane kinyikok, konye mam kesi apotu kojaunos kede aisikwarunio bobo. Mam aisikwarunio naka Luther abu konyou, karaida aisikwarunio naka Methodist anyoun. Mam, ipa. Apotu kesi kitarautu ngol erionget, naabu Edeke kolimunte kotoma aturio ebe, "engara Ngesi ibore ngin," asisianakin naka Inikolain.

47 Kwana, kiitu, mam oni kijai einer asurwokin idiotunganan. Isiarakina itunga lukajokak. Ejaas amerekekin nuka Edeke toma aiboisio ngun kere kokinga kanen. Erai ngin abeit. Methodist, Baptist, nueraas kesi kere, eraas kesi itunga luka Edeke arai euritai kes irwan nakiareit kede Emoyo loka Edeke. Eraas kesi itunga luka Edeke, konye abilakisi iriongeta kesi kwap. Kosodete adakit apapula anyoun ko Methodist kiton Baptist kiton Cambell, ka ice da, kiton neapotu apapulai konyamunotor cut kanu adakit kes anyoun kaiboisit kiton aiboisit.

48 Eebo, eipone loabu Ejakait kolimuna kwana, kotoma angeset naka atur, "Arai Eong Ekek neejai anuk naka amerekekin." Kwana, ali bo ekek aponi kopukoroi kanuikamunitos Yesu, kakidingosi cut naka aturio kanu aarei? 1906, nepetai bala neabu atur naka Methodist ka-ka-ka Dwight Moody ka ngul koolioroto kotoma aiboisit, kanen do kolomuni abwangun naka itunga edumununete Emoyo Lokalaunan, kineraas kede angajepa ka iboro abongun okanisa. Erai ngin naedolit nepetai, bala nepetai 1906, nepenen.

Eebo, inyobo do abu kismamaun kapak kangin? Akaulo kangun kogeuni atakanun, ibore yenisodit yenijeni ijo, apotu kesi koraunos erionget lomojong loanyaritai General Council loabu koloma toma, kwana enyaritai Assemblies of God. Itei ijo, kotoma okanisa kangol loaponi korucokinai. Ido inyobo abu kismamaun apakio ngun? Abu Ngesi kosipok ekek loengaara, ekek loengaara."

49 Kwana kasiomata ber oni ngin kwana, ikam ngin akirot kede akirot eipone loeyangauna Ngesi ngin. Itei ijo, "Koany..." Aanyutu ber oni:

...emamei itunganan yenegoli;...

...ebwaik kakonyenekon ekek loengaara,...

Erai osiepije:

Ajeni akoniswamasio: koany, ebwaik kakonyenekon ekek loengaara, lomam epedori idiotunganan kere agolokin:...

"Ekek loengaara." Kerai bo ngin inyo? Kerai apukokinio napolon naka Eidekeone loka Yesu Kristo: mere araut etunganan lokiareit loka tiriniti, konye araut Edeke Elopel eraun akuan ido kiboie kakadingosiwok. Ka apukokinio...

Kwana, arai kimisiik ijo, kotoma adakika adiopel bon, kasiomata ber oni iingaren mot:

...yenegolokini:...ejai ijo apedor naedit,...ido kwabo mam ibu konger ekakiror.

Irwana nasodit nainerare nuka Ekiror kwana ageun kokau kotoma atur kana kane, abu kitoolio Ekekiror; kosodi Luther alomun kede ekiror ebe ajari ngesi, ido atwanit (Ngin erai abeit?), Papa, Okoku, Emoyo Lokalaunan." Kane kotakanuni Ekiror loka Yesu bobo, kotoma akidingos naka aturio aarei kane. Kakidingos, "ekek loengaar." Kwana, erai apukokinio: nuarai Ngesi, Eidekeone, apukonokineta nuka Ekeidekeone.

50 Kwana, ngun kes abu Ngesi kopuko kotoma cut katur nasodit naka ekanisa. Kwana koany. Kwape abu Yokana konyunia nges ebwoi, ipirin lukatalai ikanykaarei luka esabu, ido abwoi Ngesi koriorite Akekanin. Ejai ne epiir lokatala losodit, lokiareit, lokiuniet, lokiwongonet, loikanyet, loikanyetekape, loikanyetekaarei, kikiarite akekanin kuju kwape bala emusalaba. Abu Ngesi kotema ebe, "Arai Eong Alpa ka Omega." Kakiro ace, "Abuni eong araut lokapolon kakere kotoma kanasodit, abuni Eong araut lokapolon kakere kotoma kanakawasia." Elomuni Aica kokide kolomari ko to. Araun naemusumusi, apak naemutono, konye, "Ejaun Aica kotoma osawa lokatibong." Apedor ngipengin naka Eijiri naabu kolom *kane* kotoma akan adiopel kokide, acau ido kwana kakan kanace naka oto, "Alupa ka Omega, arai Eong A ido arai Eong Z." Kotoma akaninike! Ijo idum ngin?

51 Kwana, inyobo abu Ngesi kismama kotoma osula losodit loka Apukokinio? Abu Ngesi kopuko Ekeidekeone loikiara kakere neejai ekanisa losodit, Epeso. Ngin nakabeit? Eebo, kwana koany. Kangolidiopel kokanisan kalu ebunore cut kiton kwap ne, abu Ngesi kopukor kOidekeone bon kotoma adoketaitiKe naitubusikinitai; konye kotoma kanawasia kana, abu Ngesi koraun Z, abongor neejai nasodit bobo. Itei ijo, "Nasodit ka nawasia." Atur nasodit, kwana atur nakawasia, naarai abala Ngesi ebe, "Arai

eong losodit ka lokawasia." Ido...

Konye ibala ijo ebe, "Eebo, koipone ali abu ngin kiswamaunor? Ingaibo ekesa loabu kisukunya ngin iingaren?" Arai apukokinio! Luipi kotoma kayesi kotoma kane idumutu ngin, naarai Ake-...Alosi kwana eong alimun icebore. Koany! Ekekanisa kere edukokinita toma apukonokineta nuka Edeke Elopet. Ngin erai nakabeit? Arai mam ijo iyuunit ngin, apukosi ber oni Matayo 16:18, ianyuni ijo kotoma adakika ebe apukokinio kere edukokinitai neejai Ngesi Elopet. Kwana ajaun ne ko...Ageutu ber oni...ageutu, napetai kokokoro lo 14.

Kosodi do kobalas kesi ebe, Ebalas ice...ebe Yokana Lokebatischen:...

Arai aingiset ebe, kabala Yesu:

...kobu atatubeta nuka Kaisarea Pilipi, kingit ikesisiak ebe, Ebalas itunga Okoku loka etunganan ebe erai ingai?

Ekokoro lo 13, ido erai nen 16:13 kwana.

Kobalas ebe,...

52 Kwana koany, ne nges aiboist nasodit kanejai ekanisa neabu Yesu kinerar nuke, kosodi e...cut kiton Apukokinio naerai nakawasia.

Kobala ebe, Ebalas ice...Yokana Lokebatischen, ice ebe Eliya; ido ice da ebe Yeremia, ka ice...ka-ka... arai ediopete kotoma onabin.

Kotema kes atiar, (atukos kere), idobo yes kibalas ebe arai eong ingai?

Kobongok Simon Petero kobala ebe, irai Ijo Kristo, Okoku loka Edeke lokajaran. (Oo, ikatunga!)

Kobongok Yesu kotema nges atiar, kisirerengitai ijo, Simon-Simon okoku loka Bar-Yona:...Naarai mam akuan ka aokot kipukokinita ijo ngun. Dimarai Papaka loejai toma akuj.

Oo, ikatunga! "Mam ijo idumunit nu kosomero loka ediini. Amamei ecepone lo tikipedia ijo adumun ngin, arai apukokinio nakomoyo naponi kopukokin ijo kotoma Akuj ebe erai Eong nges Ngol." Abala Yesu ebe, "Arai mam ijo iyuunit ebe Eong Ngol, itwanikini ijo adikanaretakon. Eong nges Ngol!"

Eong da kalimokini ijo ebe, irai ijo Petero, adukokini ekanisa toma atiida na, ikirigin da luka okatwak mam ipikorete.

Inyobo ngin? NukOmoyo! NukOmoyo! Abeit nakOmoyo! Akirok naka Ejakait!

53 Kwana, idumuni oni ebe kotoma apukokinio kana napolon naabu Edeke koinak kane neejai Ekanisa, kotoma apaarasia nu nukawasia, naabu Edeke kijuk kosodi apukokin mamaKe Kelopet "Ekek loengaara" *kakidingos* naka aturio aarei. Mam kerai kotoma a-atu naka Laodikia, mam karaida kerai kotoma atur nace *na* (atur naka Piladelupia), konye kerai kotoma akidingos (ailapakin ngin) naarai e...abuni eong aitogogong ngin nat koingaren mot, ido ibuni ijo adolokin ngin, koany ijo. Ibuni oni aiyatakin ngin kabarara, kajenun cut ebe mam ijo ikurwokini aanyun Ngin, arai ikoto ijo aanyun Ngin, koany. Mam ace.

54 Kwana, apukokinio naka Ngesi Elopet nges edukokit Ngesi Ekekanisa toma. Imwasi bo ai ejenete ngin kwape nakabeit, kwana? Abu Ngesi kodukok Ekekanisa toma apukokinio naka Ngesi Elopet. Eebo. Kwana inyobo abala Ngesi? "Emamei itunganan yenegolokini!"

Ajeni akoniswamisia: koany, ebwaik kakonyenekon ekek loengaara,...

Inyobo "ekek loengaara?" Apukokinio naka Eidekeone loikiara kakere loka Yesu Kristo! Inyobo abu Ngesi kolimok Ekekanisa kokau kanen, kokau kotoma atur *kana*? Abu Ngesi kotema ebe, "Eong nges Ngol loajai, loejai, ido loebunit! Arai Eong losodit ka lokawasia! Arai eong Lokapedor kere!" Abu Ngesi kolim ngun aatenak auni nuegelegela, abu kitarau Elopet Edeke neejai ekanisa lo losodit *kane*; eroko Ngesi kelomara toma atur nakawasia, abu Ngesi kotema ebe, "Ebwaik kakonyenekon ekek loengaara." Arai ikoto ijo aanyun Apukokinio, Enata kane, neabuni Ngesi adukokin Ekekanisa. Kosodi eipone ediopet bon loabeitor Nges ayangar Ekekanisa, nges abongor neejai apukokinio naka nuerai Ngesi. Kabeit!

55 Koany! Neabu Aburaam kiswamaunia aitutuket, araibo abu Edeke kiswamaunia aitutuket kede Aburaam, apaaran ngin naabalar Ngesi ebe, "Epedoros iboro lu biai, kwape amojongitor eong? Ido ekerumanika bon nges-nges ebulesit lo loka Damasiko loajaatar eong kane, Elieser," Ebalala "Amojongit eong, ido isumunik Ijo eong ikoku. Eipone ali ibunio Ijo aswam ngun? Epedoros aiswamaun biai?"

Ido kiitu ebe abu ngesi kojotoor, apotu ajo nuipu kodoikisi ngesi kwape edoikinatar nginitunganan; atwanare. Kosodi do ngesi amisiikin, koingarenike abu kolot a-eupa loapurie; kanginidiakanaran ibusakinit alosit ogeana. Abu ngesi koarite etiang (ataok), akinei ka emerekek, ka eluke ka ajele naedit. Mam ngesi

abu kotiak eluke ka ajele naedit. Kosodi do Aica na nakwangan alosit koingaren kanen, kosodi abongobong kau ka iingaren kokiding naka atutubeta kanu nuka itiang nuatubutubutai, aitogogong aitutuket kede Aburaam.

56 Kwana, ko Japan, arai ejai itunganan yeniko Japan ne, ijeni ijo eipone loiswamaere aitutuket ko Japan? Ecakanakinos kesi amunyu idiopet ka yenice. Adumun icupa idio yenamunyu, kosodi aiboikin kwap nen, inerasi kesi, "Ijo ibuni aswam *nu-ka-nu*?" Eebo, abuni eong aswam *nu-ka-nu*." Kosodete do kesi aiswamaun aitutuket kosodete alemun adiomunyu kosodete acakanakin neejai idiopet kayenice, naarai erai erai amunyu naidari iboro komam ebosete, itei ijo. Eebo. Ecakanakinete kesi amunyu neejai idiopet kayenice, ngin nges aitutuket.

Ko Amerika eipone lokiswama isio aitutuket kane, itemari isio ebe, "Eebo, ijo ibuni aswam ibore mutan?" "Abuni eong aswam ibore mutan." Ido ibore yenisodit yenijeni ijo, ijangijangi isio akan naka idiopet kayenice, "Ajang akanin kanuka ngin!" Ido erai ngin aitutuket ngin.

57 Konye, kotoma akwapin nuka Asia, eipone loeswamatar kesi aitutuket, ewadikaete kesi icebore. Ido ewadikaete kesi acamanar, ido aarete kesi itiang, kotoma apak naka Aburaam. Ejengarete kesi itiang kosodete aibwo kakidingosike; iwadikaete kesi acamanar, kosodete aicil ngin koipone *ka/lo*. Koyangari idiopet itutubet idiopet, ka idiopet da nace. Kosodete do kesi ailyapo ebe "kikwaikisi akecewat kwape itiang kangin arai ekurwoki kes aidar acamanar." Kosodi do kwana eipone ediopet bon loepedoria acamanar ngin...Mam ijo ipedori akodakin neejai ngin cut. Ekoto ngin ibecokin ejok cut bec ibore ngipengin, kimorikikin nepepe.

58 Kwana, inyobo ajai Edeke aitodikin Aburaam nuabeit Nges aswam? Ebe alosi Ngesi alemun Aur naka Aburaam, kotoma Isaka kiton neejai Yesu, kosodi Ngesi ayangar Ngol Kalvari ido kangina abu Ngesi konyil Ngol kokiding. Abu Ngesi kocilu kinga Emoyo kotomaKe, awai kama ejai akuan, abu Ngesi kitonyou akuan ngin kosodi aisiboikin ngin akan nakoteten naka Ekabakane kotoma Akuj, kosodi ainyakun Emoyo Lokalaunan neejai Ekanisa. Ngin nges aitutuket naka Edeke. Abu konyil Ngin kokiding: kijaar oni kEmoyo, ejaatar Ngesi kakuan. Ido nakebongokina Ngin nepepe, Emoyo loajai tomawok imorikikinos kede Nges kwape Ateran. Amen. Mere ediorionget ekodakina kede Ngin nepepe da. Mam. Ipa. Erai cut naipiororo komam emunaara, aurio naka Emoyo Lokalaunan. Odaun. Ngin nges aitutuket.

59 Kwana, kwana kidumuni oni ebe abala Ngesi, "Ebwaik Eong kakonyenekon ekek loengaara." Ido mam eong apodo arai elomutu iriongeta luipu luiswamaunitos itunga arai idiinin, karaida ikirigin luka okatwak mam epedorete agolokin Ngol. Eipone ediopet bon loebeitor aikamun Ngol, nges alomar tomaKe. Odaun. Mam ijo ipedori alomar neejai Ngol. Abeit. Aso emamei itunganan yenedepori aitobwoun Aisiiraret ngin naka Eidekeone loikiara kakere ka aibatisao kOkiror loka Yesu Kristo. Mam ikirigin luka okatwak ipikorete Ngun.

Ibala ijo ebe, "Eipone ali ijenuna ijo ebe edolit Ngin?" Ibecokina cut kede Akiro, ido emamei bobo icetunganan yenedepori alimun idiobore aitepeg Ngin. Becebec cut! Erai Akiro. Emamei aiboisit naibatisatere idiotunganan kokiror loka "Papa, Okoku, ka Emoyo Lokalaunan."

60 Lo lokapolon Paul Lokalaunan, emalaika loka Epeso, abu icorak nginitunganan yenimam ebatisatai, mamace arai ebatisatai ijo biai, arai mam kibatisatai ijo kOkiror loka Yesu Kristo, ecorakini ngesi ijo abunore kosodi aibatisaun bobo kOkiror loka Yesu Kristo. Abala ngesi ebe, "Arai ebu emalaika kotoma Akuj isisianakini idiobore yenitegelikina, koraun ngesi loikenitoi."

Aso ipedori ijo aanyun nuebuni emalaika loebuni kotoma apaarsia kanu nukawasia, eipone loka Aisiiraret naebuni ngesi ajaunor ketakanu ngesi. Ipedori oni kajaas aitenar neejai ngol. Konye ajai eong alimokin yesi ebe neebunio ngol, ebuni ngesi alimonokin aibatisao kOkiror loka Yesu Kristo. Arai mam ijo iyuunit ngin, kobu ne akuar naka moi kasodi eong aitodikin ijo kotoma Naiwadikatai. Ebuni ngol aswam ngun kotoma abeit! Ka akepio naka itaun, ka aanyununeta nuka Edeke, ka aswamisio nuka apedor kwape cut kejaatar kesi kotoma apaaran naka Pentekosit. Arereng cut alopet naka Pentekosit nasodit ebuni abongun cut nejaas idis ngul luikidioko kanu ayangar kes kuju. Ebuni acamanar ngin araut becebec bala kwape ajaar kapak nacilere nasdit. Oo, amina Nges! Eyalama eong noi, noinoi. Mam eong apedori aitetemun ejok cut. Eyalama eong noi ebe apedori eong elimun ebe arai eong idiopet kakesi. Eyalama eong!

61 Epuda ti eong karai ikainacan ikote nen. Akoto ti eong ebe karai eong kapedori ainakin ikainacan ka akainacan kane, ikapapero luketiai kotoma akwap, aanyun ibore yen yenikaumokin. Ti eong epuda, atibong na, ejeni Edeke na. Ajaatar eong kitelepat yenididi, Yosep, aitopoloun; ka ipese yenididi, Sara ka Rebeka; ka aberu naminat namam eong akoto ajalakin; konye arai ajeni eong ebe ikainacan anatar-... itunga luajeni eong kotoma akwap kana, karai kopedorete acamun Ngun ka aiyuun Ngin kosodete ailelebun kede Emoyo Lokalaunan, ti eong akapakin alosit kopekwana. Edolit ngin cut bec. Ianyu? Oo, karai bon apedori eong...ido mam ijo ipedori...Arai kiner ijo kaiyaapara, eomitosi kesi ebe itamit ijo aibwaikin icebore mamakec. Ido-ido ejai ibore idiopet bon yenebeit aswam, nges asalakin cut kede Akiro kosodi asipokin ngin. Ido edolit ngin cut bec, kosalak kede Ngin. Oo, eipone loaminar eong Nges!

62 Apukokinio naka Ngesi, EidekeoneKe loikiara kakere. Inyobo, Ngesi abu kiswama ngun? Mam eong apedori ajalakin Ngin, kedionone. Abu Ngesi kopuko ngin kotoma okanisa ko Epeso. Biai ngin naabeit? Ido arai ngin apak naabu Aica kocilunor kanu ailiyaun, Aica naka Ekristayone. Biai ngin nakabeit? Abu atur naka Emoyo Lokalaunan kogear cut *kane* ko Epeso.

Ido abala enabi ebe, "Abuni ajaun apaaran namam ebuni araut akuar arai apaaran, konye ebong abuni Aica abongun bobo." Ijo iseseni ngin? Koany. Kony, apaaran na naka amusumus, abu kodolu, lu kere kane emusumuse (iriongeta ka nginibore kere); konye kotoma apaarasia nukawasia kane, kokwap kane abuni Ngesi aibwaikin ekek loengaara. Abala Yesu ebe, "Eong nges Ekek ngol."

63 Ijo iiraritor Nges ebala ebe "Arai Eong erute. Arai Eong erot, ka Abeit, ka Aijara da"? Ianyu? Ijo iiraritor Nges ebala ebe, "Elal erute, ido ediding erot"? Ijo imisiikinitor eipone loiwadikater? E-l-a-l, akipi. Alalus akepolou a "akipi," iwadikatai kwangin. (E-l-a-l, koany.) Elal, "Akipi, erot. Ido akipi ngun kes erute, ido ediding erot." Inyobo akipi? Erut, ekek. Itei, angaar. "Kokiror loka Yesu Kristo nges erot, kotoma akipi. Elal erut, ediding erot lo..." "Yesu... "Akipi nges erot, kOkiror loka Ejakait Yesu, alomar toma."

"Kitoronokinos nginidiopet kayesi kibatisaunos kOkiror loka Yesu Kristo kanuka aisionio naka adianaretakus ido idumunete, kwape iseseniata Kalvari, ainakinet naka Emoyo Lokalaunan. Naarai aisumunet erai kanukus ka ikusidwe." (ice kotoma kakesi abalas ebe, "Arai ngin bon kanuka ikiyakia.") "Kanukus kede ikusidwe, ka ngul da luelwaka, kere luenyarauni Ejakait Ewokodeke." Aisumunet erai neejai nginitunganan, arai kibu ijo koipone kangopekangol loesiomar aicorakinet. Nakabeit ngin.

64 Mam ibala ebe, "Ijeni ijo, abuni eong aceter lailo."

Ajai etunganan apak adiopet loabu kocetor, ijeni ijo, kosodi adumun ecepone. Ijo ijeni lem ngun? Ijo isiomitor awaragatake? Ajai etunganan loabu kocetor kosodi alomar toma orot ece. Kwana, kotoma akwapin nuka Asia, neajaatar kesi Opucit loka Edukone, eipone loaraar ebe alomari etunganan toma ngina. Ibuni oni aitam, alemun ngin tupuruc. Abeit eong alimun ngin kwape kwana, konye abuni eong ajalakin ngin. Tupuruc: eipone loalomara etunganan ngol toma aiboisit kotoma Opucit loka Edukone... arai, kanuka Epucit loka Edukone.

Eebo, "Elal erut, ediding erot." Akipi kes erut, loelomarere neejai Ejakait Edeke.

65 Ebwaik Eong ekek loengaara. Ajaatar eong kilaceta. Eong bon Nges apedori angaar ngol, Eong bon apedori apukor ngol, ajaatar Eong kilaceta." Biai ngin edolit. "Emamei itunganan yenepedori abunore mamaKang arai mam PapaKa enyaraunit nges, ido kere lukainaki Eong Papa epote mamaKa." Emamei itunganan yenitajario dimikito bon kotoma Yesu Kristo. Mere kotoma okanisa edio, erionget edio, ekaanyanaran edio, ipaapa, kotoma Yesu Kristo bon. Ejaatar Ngesi kelacet, Ngesi bon epedori...Ilaceta lukinyo? Daudi, apugan naka ikar elukumit naebunit koingaren neebunio Ngesi aiboikin toma oicolong loka Daudi, "Ajaatar Eong kilaceta luka Daudi, abuni Eong angaara ekek lo ido emamei itunganan yenepedori agolokin. Emamei itunganan yenepedori angaar ngol dimarai Eong, ido emamei itunganan yenepedori agolokin ngol mamaKa."

66 Eipone ali epedoror? Eipone ali epedoria idiotunganan ajenun ebe erai Ngesi Kristo kiton neepokokinor Ngesi Elopel neejai ngin? Itei ijo, epukor Ngesi elopel, ejaatar Ngesi kelacet. Epedori Ngesi angaar ngol arai mam ajalakin. Ianyu? "Ajaatar Eong elacet loka ekek. Arai Eong elacet. Arai Eong Ekek. Arai Eong Alupa. Arai Eong Omega. Arai Eong Losodit ka Lokawasia. Arai Eong Papa. Arai Eong Okoku. Arai Eong Emoyo Lokalaunan. AJAI! Mere 'ajai kolo' arai 'abuni ajaun.' ARAI EONG LOARAI, abu-abu ngin kolim iboro kere. AJAI mere 'ajai kolo' arai 'abuni ajaun.' AJAI, naerai akepolou 'ajakut naejari ikaru lumam edaunos.' Itei ijo, AJAI, Arai duc, abuni araut duc, arai kwape kwana kwape araar duc ido araun duc kwape kwangin." Itei ijo, erai Ngesi-Nesi duc AJAI!

67 Kijaatar kilaceta luka Daudi neejai Akabakanut, "emamei itunganan yenepedori agolokin ngol." Itogogongit ekokoro lo 7 ngun, eebo, ebe ejaatar Ngesi kilaceta luka Daudi, "Emamei itunganan yenepedori agolokin!"

Kwana kaanyutu ber oni nuerai ibore yenetupakini, katipet:

...naarai ejai ijo apedor naedit,...

Oo! Abu kolimok itukos yenididi yen kokwap kane, "Ijaatar ijo kapedor naedit kwana." Inyobo epeleikit ngin? Kwape bala itunganan yenatwanit, esubit bala ijangijangi akekuan, ejai ajarun, aisikwarun mot, ejai ajarun. Ilom ijo kinga kotoma aiyuuneta ngun numojong nuetwakitos ka nginibore kere, igeu ijo ajarun motimot, ijangijanga, kosubite bala ijai aitonyoun akonikuan. "Ejai ijo apedor naedit, konye ebwaik kakonyenekon ekek, kwana ijaatar ijo kapedor naedit, inyobodo ilosi ijo aswam kanuikamunitos ngun? Ebwaikin kakonyenekon, ipedori ijo alomar toma arai alomun kinga, adiopet kotoma kangun naikoto ijo. Ibwaikinitai akonyenekon ekek. Ejai ijo agogong naedit, ijai ijo abongun toma Aijar, ijai ijo ageun ageun."

68 Kwangin nges kejaar kede ekanisa losek. Koany kotoma angetakinet naka atur naka Laodikia, abu

kobongo aswamisio bobo. Kwana arai kianyu ijo kane, kanu-kanu atoduun ebe ejai ekanisa lo akidingos naka iarei kalu. Arai kiloma ijo toma atur naka Laodikia. Arai bo ngin inyo? "Akoniswamisio, ido eicolong loiboio Satan." Alibo kerai ecolong loka Satan? Itei ijo, abu kobongo cut toma orionget bobo.

Yesi Assemblies of God, Pencostal Oneness, ka Church of God! Oo, mam yesi isesenete, iinacan, nuiswamata yesi? Ipotu yesi kobongosi bobo kaitebeikin neejai ibore yenalait Edeke, atiakatiak einacane. Koany Assemblies of God, idiopet kotoma otunga luejokuka kakere kotoma akwap ejaas toma Assemblies of God ngun. Koany ber ijo ekanisa ngol loka United Pentecostal Assemblies, ejokuka noi adepar luianyunitor ijo kotoma aijarakon. Kosesen toma Church of God. Ido kanuka iriongeta kangul, epeganakinos kesi kocelanakinos ka epeget idiopet kayenice, kosodete anyara idiopet kayenice ebe, "etogo loka ikweny" ka abua naka imirio." Inyobo, erai nuka ileic!

Ibore idiopet yenalait Edeke nges "Aiye ikinyom luka angolopa kakidingos naka inacan." Ido nakabeit ngin. Ido iriongeta ngul kes iswamaete ngun, aiye ikinyom luka angolopa akidingos naka inacan. Ebeit oni kabwoete kakidingos kabalas ebe, "Kirai oni iinacan!"

Mam oni kitiakak,

Kere apei akuan oni;

Ipei kotoma amun ka aisisianakin, (Aisisianakin naka Ebaibuli.)

Ipei kotoma amin.

Kaminakit eong ekosio lomojong ngol, *Kolot Iingaren Eserikaalet Loka Kristo*. Eebo, ipa.

69 Angeset naka itunga luka Laodikia, apotu kobongosi toma aswamisio bobo, arai iriongeta luka Pentekosit apotu kobongosi bobo nejaas iriongeta. Kalemutu ber oni ekokoro lo 15. Kijaar eong ne, "Ekokoro lo 15 loka Apukokinio 3." Kosodi aanyun arai erai ngin abeit, kwana. Apukokinio 3, ido-ido..araibo kaanyutu ber oni, ewadikat eong ngin ne. Apukokinio...Oo, mam, mam, ebucarit eong, ekokoro lo 15. Erai ekokoro loka esula kangopekangol kokwap kane. Eebo, a-ha:

Ajeni akoniswamisio, ebe mam ijo ililim karaida mam imwana:...

"Ajeni akoniswamisio." Itodunit ebe apotu kesi kobongosi neejai iborekec yenisodit bobo. Apotu kobongosi kede akecegogong abongor toma odiinin luka Ipetekootin. Ekokoro lo 15 loka-loka esula kangopekangol. Eebo.

70 Kakidingos naka aturio ngun aarei apotu kesi kodumutu apedor naedit, kakidingos naka iriongeta iarei luka atur naka aisisianakin naka Inikolain. Kwana, neaponiata luka Lutheran kane kiswamaunatar, apotu kobongosi bobo toma Oinikolaene, ikaanyanarak lukapolok ka ice da. Kosodi kobuni do Wesley, apotu kesi kiswamautu ekaanyanaran lokapolon loka Canterbury ka lukapolok lu kere luegelegela, anatar kere luejaas toma okanisan ka ice da kotoma-kotoma atur. Ido kane kotoma Pentekosit, ebongorete kesi cut neejai ibore ngipengin bobo, ikeceriongeta kere, aisisianakin naka Inikolain. Konye akidingos naka aturio kanu aarei abu Ngesi opuko ekek kosodi ainakin agogong adio kanu aikwarun ejok kiton nakijangakinia akekou, kongoliari kinga laingol kosodi aanyun neajai ngesi, adumun apukokinio ngin. Kibelokin, aanyun idiobore (isiilioritai, ijeni ijo), ido ibore yenisodit yenijeni ijo, kogeuni aijangijang akekou ka angolengole ka aijangijang da akekou.

71 Keja ngun da, ajai eong erujai nuekamunitos ngun akuar natubor. Charlie, aomit eong ebe abu eong kenom ekunyuk; adetar nges awai naka atenu. Kasodi eong aanyun amojong kanen. Oo, ngesi anyunyurasi duc kede eong, alosi ngesi abunore, adumun eong. Ido ajaatar ekunyuk acerosit nakwangan komorosingike. Ido koperi ikesa ngin kanen kosodi aijangakin akekou aatenak aarei arai auni kosodi angolekin eong, kosodi ngol autokin akerit esipidi noi kwape kepedoria akerit, cut abongor toma amagoro.

Ijeni ijo, ido amojong ngin apedori korai akepolou ekanisa. Mam tope erai? Abu ngin kotamite aiwonyakin eong, abu eong kekunyak awai kama ejai ngin mot. Ido...Konye, oo, iica yenedit, konye kilosikina ajenun kanu-kanu...ajeni eong abu eong kalot aijesar korot ido abeit ngesi aidengokin eong kokwap kangina, kasodi eong aibelokin akamotoka katipet noi; kejai atureila nasipokitos kesi kauke, abu eong kesirimik ibore ngin kere aibelokin, kabeari owai loce je, aisimik ngin adumun eong. Abu cut katubor.

72 "Kwana, ejai ijo apedor adio naideuna, aso ikoto ijo aitwasam apedor na kanu cut aibelokin kakidingos naka idiinin ngul luaarei." Ijo ibu koany? "Aricitos Akekirot!" Koany ekokoro loetupakini kane kwana:

...Ejai ijo apedor naedit, ido iricit Akakirot,...

"Ibu koric Akakirot," koipone ngol apotu kesi kodumunatar akecepedor. Ngol nges eipone apotu kesi kodumuniata akecepukokinio. Naabu kodongakin Obaibuli neabu Luther kiwadika Ebaibuli, kosodi abunore kwap kotoma atur naka Wesley ka ace da, apotu kesi odongata Ngin kangina kosodete airic Akiro; kosodete aanyun apukokinio naka Yesu Kristo araut Edeke eraun akuan kakidingosiwok ka aibatisao naka

akipi kOkiror loka Yesu, aso apotu kesi kolototo cut toma kangin. Ikoni nen. Kesi apakio kangun-ajaatar kesi Ekekiror apakio ngun. Ianyu? Inyobo, idelelei cut ejok...etakani adepar aisiom apapula naka iyemuto. Ianyu? Bon...Ido mam ijo ipedori aitepeg ngin, naarai ejai ngin nepene cut. Edodunitai kane cut kotoma Obaibuli, ejai ne cut, ido ijaatar oni...eraasi akiro nukolosek. Nen cut bec nges abu ekanisa loka Pentekosit kogeunia kosodi adumun ekekiror, nepetai okar 1908, 1910, 1912, nenice kanepekanen, abu kogeu aibiror.

73 Kwana, eebo:

...Kwabo mam ibu konger ekiror...mam ibu koner ekakiror.

Kwana, koipone kangol. Ajaatar Ngesi-ejaatar Ngesi kilaceta luka Daudi kwana, Epedori Ngesi airic Akekirot kosodi-kosodi abwaijin ijo toma Akabakanut. Aponi kopukoritete Ekekiror. Apotu kesi kolomutu kinga naka ekanisa loaajaatar "ekiror ebe ketwakito kesi," kosodete do kesi kwana alomar okanisa loejaatar kEKiror ngol, lo erai nges, ejaatar kAijar. Ianyu? Alomun kinga naka loetwanit, "Papa, Okoku, ka Emoyo Lokalaunan." Ekiror loka "Papa, Okoku, ka Emoyo Lokalaunan," emamei do ber aijen kanen da. Itai ijo, einakinitai kanen kanuka apukokinio. Ekeitabo kere iwadikatai kotoma apukokinio. Ngun kes nuerai ngin, epukori Ngesi akekuan Elopet.

74 Kwana abala Ngesi ebe, "Kolototo kibatisata itunga Kokiror loka Papa, Okoku, ka Emoyo Lokalaunan," Matayo 28:19. Kwana, alibo ediopet kotoma okiroria kangul ilosi ijo atwasam? Kwana, luipu kotoma otunga luka tiriniti ibatisaete, "Kokiror loka Papa, kokiror loka Okoku, kokiror loka Emoyo Lokalaunan." Mam ber ngin erai Naiwadikatai. Kingit idiotunganan. Koany arai mam ngin erai...Erai kotoma *okiror*, ediopet, mere *ikororia*. *Ekiror!* Kokiror loka Papa ka Okoku ka Emoyo Lokalaunan. Ianyu? Eebo. Mam Papa erai ekiror; mam Okoku erai ekiror; Emoyo Lokalaunan mam erai ekiror. Aso ali bodo ngol? Icebore yenetwanit! Emamei ekiror kanen. Konye kotoma anyaraeta kangun nuetwakitos...

75 Kanuka Aijar naka Yesu Kristo, apukor ngin. Kiburai Petero kojaatar e...Abwoi ngesi cut kanen kede ilaceta luka-luka Akabakanut naka Akuj kotoma akanike, ido Akabakanut nges Emoyo Lokalaunan; ikajasi kosiepike, ilaceta luka Akabakanut. Kotoma akiro ace, apukokinio, naarai abu Yesu kolimok nges. Oo, onac, ijo mam iseseni ngun? Petero nges aponi kisirerengoi kede apukokinio naka Abeit. Ido ajai ngesi ebwoi kanen cut, ido abu kiira Yesu ebala ebe, "Kolototo yesi, kisisianakisi atekerin kere, kibatisaete kes kokiror loka Papa, Okoku, ka Emoyo Lokalaunan."

Abu Petero kibelokin kosodi atemar, "Ejakait, abeit cut ajaatar eong kilaceta kane. Kijaar eong kapukokinio kapolou naerai ngin, naarai ajeni eong ebe mam Papa erai ekiror, Okoku mam erai ekiror, ido Emoyo Lokalaunan mam erai ekiror, konye ajeni eong nuerai Ekiror ngol." "Aso ebatisai ijo Kokiror loka Ejakait Yesu Kristo." Amen. Otukui! Nakabeit ngin.

76 Kwana, esubit bala ijai ijo aisiom akiro nuka amin. Kosodi ijo...Ngol nges eitabo loka Matayo, atutubet nakawasia naka Matayo. Arai ibu ijo kolem ebalua loka akiro nuka amin, ace kotoma kayesi amucalan...ajeni eong ebe mam yesi iswamaete ngun, mam yesi ipedorete aswam ngun; mam, mam. Ianyu? Konye arai ibu kiswamate ngun apaarasia nuiraar ijo akadiakanaran, itei ijo, ibu ijo kolem akiro nuka amin kokwap kotoma...ijeni ijo, nakiraar ijo ipese yenididi kosodi adumun akiro nu, kosodi atemar ebe, "abu Yokana ka Mariam kojarata kiyalamasi noi ekaulo. Ha! Ingai bo Yokana ka Mariam? Kwana, ejai eipone ediopet bon loijenuna ijo ingai bo Yokana ka Mariam, erai ebe, kobongo neejai ageunet naka eitabo kosodi aisiom ngin. Ngin erai nakabeit?

Eebo, kosodi do kotoma oitabo loka Matayo, ekokoro lokawasia loabalar Yesu ebe, "Kolototo yesi kisisianakisi atekerin kere, kibatisaete kOkiror loka Papa ka loka Okoku ka Emoyo Lokalaunan, kisisianakinite kes aricit nuecorakinit Eong kes." Kwana, arai-arai mam Papa erai ekiror, ekoto do ijo abongor ageunet naka Eitabo. Ianyu? Kwana, arai ibongo oni ageunet naka Eitabo, esula losodit loka Matayo, idumuni ijo nu.

77 Epuda eong ainakin aitodiaret na kane kanu naarai aticepak kojai icetunganan ne yenimam eanyunitor ngin. Kosesen na. *Lo* nges Papa, Okoku *lo*, kosodi *lo* nges Emoyo Lokalaunan. Kwana, kongicak ejok. Papa, Okoku, Emoyo Lokalaunan. Ngun kes abala Yesu kotoma Matayo 28:19. Biai ngin nakabeit? Papa, Okoku, Emoyo Lokalaunan. Kwana, ingaibo lo? Papa? Kopupokisi atukot. Papa, Emoyo Lokalaunan, Okoku. Kwana. Ingaibo lo? Emoyo Lokalaunan. Ingaibo lo? [Kotemari atukos ebe, "Papa."-Ekewa.] Ingaibo lo? [Kotemari atukos ebe, "Okoku."] Okoku. Eebo. Kwana, arai bo Lo Papake kangai? Yesu Kristo. Biai ngin nakabeit?

Kwana, Matayo, esula losodit, ekokoro 28, asiomata ber oni ngin. Kolem kwana ebalua loka amin kasodete apupun eipone loesiomar. Ianyuni oni Loerai-Loerai Ekesa lo, Loabala Ngesi, "Kolototo kibatisata kes kOkiror loka Papa, ka loka Okoku, ka Emoyo Lokalaunan." Eebo. Kwana, esula losodit loka Matayo egeuni kede aturio nuka aurio kotoma atuputupeta:

Eitabo loka aturio nuka Yesu Kristo, okoku loka Daudi, okoku loka Aburaam.

Aburaam kouri Isaak;...Isaak kouri Yakob;...

Kosodi kwangin, kwangin, kwangin ido kwangin, kwangin kiton needolokina e-ekokoro lo 18. Kwana, itei ijo, kolosi ijo iingaren kwap ne neejai ekokoro lo 17 kosodi...

Kwangin aturio kere ameun ka Aburaam kiton Daudi emwaasi aturio atomon ka nuongon, ameun ka Daudi da kiton aijoreorio Babulon...aturio atomon ka nuongon, ameun da...kaijoreorio Babulon kiton Kristo aturio atomon ka nuongon.

Kwana aurio naka Yesu Kristo ekoni ne. Kedau...Yosep aisiner Mariam totoke,...

Ijo isiomi ekaulo ka? Kopupok ejok:

...Kedau...Yosep aisiner Mariam totoke,...koringa ejenikina, kotekan ngesi ejai ikoku yenika Edeke Papa.

Ngin esioma kwangin? Kodumunai kede ikoku yenikangai? [Kotemari atukos ebe, "Emoyo Lokalaunan!"-Ekewa.] Eebo, aomit do eong ebe abala icetunganan ebe arai Papake lo. Kwana, arai erai Emoyo Lokalaunan etunganan ediopet, ido korai Papa da ecetunganan, akepolou ajaatar do Ngesi lukapapa iarei. Inyobo ijaatar ijo? Ikoku yenemamei papa. "Oo," ibala ijo ebe, "nges...apotu kesi kibucasi kosodete aijulun erono kanen." Eebo:

Konye ekileke Yosep kiner ainyein nges kaiyeiyea naarai korai ekiliokit loedolit...komam...ekoto aisurum nges ileic.

Konye nakeomoomaa ngun, koany, kitakanikin nges emalaika loka Ejakait kotoma airujasit, ebal ebe, Yosep, okoku loka Daudi, sirikiyong aimany Mariam; naarai akepotuun erai naka...[Kotemari atukos ebe, "Emoyo Lokalaunan!"]

78 "Kotoma akitukes nuka ikajenak iarei arai iuni, nges itogogongoere nginikirot." Ianyu? A-ha. Emoyo Lokalaunan nges PapaKe. Eebo, abala Ngesi ebe, "Edeke" nges arai Papake. Kwana, naarai arai eraas kesi itunga iarei luitegelikina, ali bodo kerai Papake? Koany neidoli ijo. Ikajakin do ijo akonikuan akidingos cut naka ekwam lokiding. Ianyu? Kwana, ekoto ijo alimun ebe Emoyo Lokalaunan nges Edeke elopet! Erai Emoyo Lokalaunan, nges erai Edeke. (Kwana ijaatar ijo iarei kwana, aiboisit naka iuni.) Eebo.

Eebo, ekokoro loka 21:

...akepotu erai naka...(Ingaibo ebwaikini...Arai bo ingai ebwaikini ngin tomake? Emoyo Lokalaunan. Eebo.)

Idouni ngesi ikoku yenisapat, imaikini ekekiror (Ekekiror) YESU: naarai ngesi itajari iketunga kadiakanaretakec.

...iswamatai nu kere, tetere edoli akirot naenerit Ejakait kama ka enabi ebe:

Koany, epotuuni abekot, idouni ikoku yenisapat, Imaikinete ekekiror Imanuel,...apolouke ebe...Edeke ejai kaoni.

79 Kerai bo inyo Ekekiror? Kwana, ingaibo Yokana ka Mariam luapotu kojarata kiyalamasi ekaulo ikar kere? Ingaibo Ekiror loka Papa, Okoku ka Emoyo Lokalaunan? Keuruun Yesu toma akwap, arai Ngesi Kristo Ejakait. Kotoma apak naka akepioKe (akaulo naka apaarasia akanykauni) abu totoke koinak Nges Ekiror kosodi papake da ainakin nges Ekiror "Yesu." Arai Ngesi Yesu Kristo, Ejakait Yesu Kristo, Kapakio ngun.

Arai Ngesi Ejakait! Nakeuruunere Nges, kerai Ngesi Kristo Ejakait. Kosodi do neadumunia Ngesi Ekekiror loka "Yesu," loabu kitarau Ngesi Yesu Kristo Ejakait. Ngun cut becebec kes aponi kopukokinai Petero, ajeni ngesi nuaraas Yokana ka Mariam neabalar Ngesi ebe, "Kolototo kibatisata Kokiror loka Papa, Okoku, Emoyo Lokalaunan." Aso, apedorio apukor naarai ajeni Yesu ebe ajaatar Petero apukonikineta, ajeni Ngesi, naarai adaunitai apukokin nges ngun Emoyo Lokalaunan kokuju. Ido neanyuna Edeke ebe epedori itunganan aijaun apukonikineta kotoma akuj, epedori Ngesi amunokin itunganan ngin, aswam idiobore kede nges; neepukokinere nges, naarai abala Ngesi ebe, "Emamei itunganan yenepedori apukor ngun dimarai PapaKe." Edeke bon nges epedori apukor ngun, ido ajeni Ngesi Petero tomake...akodakina Ngesi kede Emoyo. Aso ngesi...

Ajeni Petero apukokinio, kosodi ngesi alosit kuju nen kosodi ngesi atemar, "Kitoronokinos, kibatisaunos kOkiror loka Yesu Kristo kanuka aisionio naka adiaakanaretakus."

80 Kwana apaarasia adis eroko ngun, abu Yesu kolimok Petero, (Esawa ngopengol loalimokina Ngesi ngol Loarai apukokinio, "Atiida na adukokini Eong Ekanisa, ido irutei da luka okatwak mama ipikorete."), "Ido katemari jo atiar irai ijo Petero, ido kainakini ijo ilaceta." Oo! "Ilaceta luka Akabakanut! Ainaikini ijo ilaceta. Nuieni ijo kotoma akwap, eenio kotomas Akuj. Nuilacari ijo kotoma akwap elacario kotoma Akuj."

Kosodi do kotoma apaaran naka Pentekosit, kotoma aitegeario naka Ekanisa, apaarasia atomon akaulo neabalar Yesu ebe, "kolototo kibatisata kOkiror-kOkiror loka Papa, Okoku, ka Emoyo Lokalaunan." Eebo amamei itunganan yenaomoomotor ngin kiton atur naka Atulik. Ido nginitunganan yenibatisatai kokiror loka "Papa, Okoku, ka Emoyo Lokalaunan" abeit cut kitisatai kotoma aiyuun naka Atulik, (nakabeit ngin) mere aibatisao naka Ekritayone. Ajai...aatongot.

81 Kwana kotoma apaaran naka Pentekosit, aponi kesi kere kilelebai kede Emoyo Lokalaunan, ido kinerata kotoma angejepa ido-ido kosubitos bala amerasi, ameras kesi Ebino loitetet. Ebino loitetet loabuni kotoma Akuj, ko Kanan naka okuju. Ido nakiluluoto kesi kere ido kocelanos ido kosubitos bala kemeras ka ace da, abu Petero kobwo kakidingosikec kosodi alimokin kes ebe, "Mam ngul emeras konye ejaas ngul-ejaas ngul...Nu kes nuenerit enabi ebe apote aitodolikin, 'abuni Ngesi abukokin Ekemoyo.'"

Ido kwana apotu kesi kotemas-kotemas ebe, "Ikiliok ka iinacan, keswamata anyoika? Ikiliok ka iinacan, anyoika ibusakinit isio aswam?" Ngin nges aingiset. "Eipone ali kilosio isio adumun ngin? Ingai bo ejaatar kelacet?"

"Kobia ne, Simon. Ijaatar ijo kilaceta, kalem kes kosiepikon. Ido inyo ilosi ijo alimun? Kwana kiitu, abala Yesu ebe, 'Arai kien ijo kotoma akwap, aeni Eong da kotoma Akuj. Arai kilacak ijo kotoma akwap, alacakini Eong da kotoma Akuj.' Ido arai erai Ngesi Edeke, ejai Ngesi airic Akekirot."

82 Kwana, yesi isasedotin luka Atulik, kitodikinai eong "akusisioni naka adiaakanareta." Abu esasedoti loka Atulik kalimok eong apak adiopet, ebala, "Mam kereka Yesu abala ebe, 'Arai isioniete yesi adiaakanareta nuka itunganan kere, isioniosi?'"

Abu eong katema ebe, "Elimunit Ngesi ngun."

"Arai ienete yesi adiaakanerata nuka itunganan kere, eenio'?"

"Eebo."

"Erai ngin ebe idiotunganan yenitimete yesi, itimio; idiotunganan yenimam yesi itimete, mam itimio."

Abu eong atema ebe, "Ngun cut bec kes nuabala Ngin."

Abu ngesi kotema ebe, "Ido mam kereka Yesu abu koinak Ekekanisa, loirai oni Ekekanisa, apedor naka aitim adiaakanareta kotoma akwap?"

"Abu Ngesi kaitebeikin koinak." Abu eong katema, "Arai ibuni ijo aitim kes koipone kalo apotu ngul kitimioto kes, abuni eong alosit kajo." Eebo. "Eipone bo ali etimononoto kesi ngul? Kesi alimonokinet ngul ebe, 'kolot kinyogonyog ailipasinei arai icebore arai eipone lokiswata yesi?'"

83 Mam, ipa. Abala Petero, "Kitoronokinos!" Amen. Ngol nges elacet, "Kitoronokinos, nginidiopet kayesi, kibatisaunos kokiror loka Yesu Kristo kanuka aisionio naka adiaakanaretakus, ido idumunete ainakinet naka Emoyo Lokalaunan." Kolosi elacet "angaar tec" kotoma akwap, kosodi alosit "angaar tec" kotoma Akuj. Ngin Ngol.

Ngin nges apolou apak nakiriamunotor Paul kede ice luadaunitai aibatisa kede etunganan ngopengol loebatisai Yesu, abu ngesi kotema, "Yesi idumunitotor Emoyo Lokalaunan anyoun nekiuniata?"

Apotu kesi kotemas ebe, "Mam isio ijenunitor arai ejai Emoyo Lokalaunan."

Ebala ngesi ebe, "Anyoin..." Kilem ijo akirot naka Ayonanin, ebala, "Ibatisatai yesi koipone ali?"

Apotu kesi kotemas, "Abatisao naka Yokana."

Ebala ebe, "Mam ngin ebuni aswam bobo. Adau Akuj agolokin. Ejai yesi abunore; kibatisaunos Kokiror loka 'Yesu Kristo'"

Aso apotu kesi kiiras na, aponi kes kibatisai bobo Kokiror loka Yesu Kristo. Ido nakeswamata kesi ngun, apotu kinerata kotoma angajepa ka aidwar.

Oo, onac, erai nen abongor ageunet. Ibecokina ngin cut bec. Ngol nges "ekek loengaara" loaponi kibwaikinai nen. Kotoma aiboisit edolit, Aica nakatibong, ido kangolikokoro kotoma Obaibuli ingarenikini cut kiton nejai ngin.

84 Ipedori ti oni aibwo kane adaun isawan, ido ajaatar eong apak naka idakikan itomonakany aiyatakin, ido nepetai akiro akaisauni nuegelegela kanu alimun kane. Ido arai mam oni ipedori, kidumuni oni tupuruc moi arai mam oni idumuni ngun atibong na. Eebo.

Kwana, eebo.

...lomam epedori itunganan kere agolokin, naarai ejai ijo apedori naedit, iricit da akakirot,... (Eebo.)

...kwabo mam ibu konger ekakiror.

Kidum oni kanen! "Mam ibu konger Ekakiror." Aponi kopukoroi Ekiror, apotu konyoutu awai kama ejai erionget lomojong loatwan loko Sarudio, kosodete alomun toma Okanisa loejari.

Kwana kalemutu ber oni ekokoro lo 9. Kwana, kilosi kwana oni aanyun kwana, ijai kwana oni alomar toma obore yenetiono noi:

Koany ainakini lukatukos naka Satan, luenyaras bonik Iyudayan, kwabo mam eraas, konye ingalaete; koany, ainakini kes aponare, akukonokin kakejenekon,

Ejai akuar nakajokan ileleba, cut kane. Kosesen! Inyobo eraas kesi kwana? Ngul luapotu Ngesi kinerakinotor, luadumunitos Ekekiror akaulo naka apak kana kere kokwap *kane*, kolomuni "Ekek loengaara" Yesu Kristo (apotu kodumutu Akirok naka Aijar, kilelebitete kede Emoyo Lokalaunan), ido kereka kwana abala Ngesi, "Ejaas ice kakidingosikus luejaas toma atukos naka Satan."

85 Kwana, onaceka, karai ijo okoto abongor kau neejai-neejai Perugamo, kotoma Apukokinio 2:13, idakika bon, ido eong ber ketodik ijo kane naerai ngin cut teni: ediini.

Ajeni akoniswamasio, ido ajeni mama iboio, neejai eicolong loka Satan:...

Ikoni nen. Laodikia ngin...arai, apeleikinit eong atur ngin naka ekanisa naka Enikolaene neapotu kesi koraunotor erionget. Ido kosesen, kanu aitodun ebe araas kesi ekanisa, atukos, ekanisa, ekanisa loka erionget. Oo, onac! "Atukos naka Satan." Kosodi do, aswamisisio nuka erionget eraas nuka ajokit! Mere Ikristayon, kwana, kiitu, eraas kesi Ikristayon konye erionget elopet. Eebo.

Kwana ibu ijo komisiik ebe abala Ngesi, "Ijaatar ijo kangul kakidingosikus luebalas ebe eraas 'Iyudayan,' konye ibu kodum ebe eraas ikengalak."

Kwana, kiitu, emalaika loapolon...Kwana inyobo ineratar ngesi? Ekanisa lo lokawasia, ekek lo loengaara kakidingos naka ikanisan iarei.

86 Kwana, atur naka ekanisa losodit Paul nges esisianakini? Paul. Kwana kalototo ber oni nejaas Iromayon 2:29 kasodete aanyun nuera i Eyudayat, tetere ijo imisiikini ejok ajenun ngin-mam erai akaomisioit naikamunit ngin. Iromayon esula lo 2, kosodi ekokoro loka 29, loka Iromayon. Eebo, ikoni neta:

Dimarai ngol loerai Eyudayat kotoma, ka akepio nakotau kotoma omoyo kwabo mere aiwadikaet. Akeiturio mam-mam ebuni...Akeiturio mam ebuni kotunga dimarai kama ejai Edeke.

Inyobo e-inyobo Eyudayat? Emoyo, Ekristayat loilelebasi kede Emoyo Lokalaunan! "Ajeni eong ebe ijaas yesi kwap ne akaulo naka atur kangin naka aitalaunio luibalas ebe apotu 'kadumutu Emoyo Lokalaunan,' konye alimunit ngesi ngin, mam cut eong alimunit." Kes abalas ebe ajaatar Emoyo Lokalaunan komameete aanyununeta nuetupanakinete, konye abala Ngesi ebe, "Eraas kesi ikengalak." Etupanakinete aanyununeta nu ngul luiyuunete." Mam ijo ipedori aitarau Nges ekengalan Oo, onac! Eenikini ngin ijo baaba. Ianyu? Oo, ikatunga!

Abuni eong...Koany, etarauni Eong kes luka atukos naka Satan, luenyaras bon ebe eraas Iyudayan, ("Luebalas ebe eraas kesi 'Ikristayon luilelebas kede Emoyo,' ebalas; atukos, erionget. Etarauni Eong ngul luenyaras bon ebe 'ejaas kede Emoyo Lokalaunan'; ka iriongeta-iriongeta kere kokuju kanen Emameotor ber kesi kapukokinio da!" Ianyu? Eebo.)...abuni Eong atemar...ngul luenyaras ebe eraas Iyudayan (ebe eraas Ikristayon), ido komam eraas, konye ingalaete; koany, etaraun Eong ngul...abunore aima koingaren kakejenekon, kosodi ajenun ebe kamina Eong ijo.

87 Kane cut epedori ainakin eong alomar toma einer kotoma aisiiraret nakatupuruc. Ngin nges abekot naejotoe cut kanepokane. Ijo ipedori aanyun ngin? Iwori bo ajaar ngin? Kotoma apak nakawasia. Oo, nealomariata kesi kinga. Ejai ne...Ianyu? Itojokitai kes kanuka aiyyun, italaunitai. Itojokitai kotoma aisiiraret naka Luther, kitalaunete kotoma *kane*, konye kotwakiarete "Ekek loengaara." Iseseni ijo ngin? Kitojokitai kanuka aiyyun, kotoma Luther, kitalaunitai, kotoma atur naka Wesley.

Luipu kotoma kangul luketiai luka Nazarene, Pilgrim Holiness, Methodist luka Wesley, ka ice da, kesi kere ejarete ajar naejok, naelai, italaunitai, ido eomitos ebe ajaatar kEmoyo Lokalaunan; ido kane kinera ekesa ece kotoma angajepa, arai icebore, epote kesi akienar ngol, aboliar nges kobalas ebe "Era i ejokit." Onac, idau ijo aipucakin akonimudiaro nakiswama ijo ngun. Ibu ijo koinyanak Emoyo Lokalaunan, namam isionio.

Eebo, ibala ijo ebe, "Irai isio luka ekanisa Losodit." Mam eong apodo arai ikanisan idi ijai ijo toma. Mam ngin ikamanara kede Akirok naka Edeke, ido "Mam eong acamuni aiyyatakinet adio." Eebo, "Atukos naka Satan!"

88 Amuno eong ebe mam eong etakadikini ijo. Angara eong einer kwangin, konye ejai-ejai Ibore tomaka yenisinyikokit eong aswam ngun. Mam eong ajeni kanukinyo eswama eong ngun. Alait duc eong awanawan angor, apupi eong-eong kwangin...Epedori aberu aimony ido apupuni eong erono. Angara eong awanawan angor, konye ejai Ibore tomaka yeneinakinit eong aswam ngun. Ianyu? Aberu nadote (Ooo, ekiliokit!), mam eong apedori atitingikin ngin. Naarai, ejai Ibore toma yeneinakinit eong aswam ngun, Emoyo Lokalaunan.

Ido asesen eong kwap ne toma Akirot, aoomoi eong ebe, "Ejakait arai ebucarit eong kitodikinai eong. Mam iinakini eong aswam ngun alosesenen koipone kangol. Mam itunga epote...mam eong abuni... amina eong itunga, ijeni Ijo ebe amina eong. Mam iinakini eong aituguikin imodiotunganan, Edeke, ijeni Ijo ebe mam ti eong kapedo aswam ngun."

Konye abu Emoyo Lokalaunan kobwo kosodi alimun ebe, "Kobwo kotoma Akirot! Kosalak nen! Kosalak cut nepenen toma Akirot ngin!"

Ido atemari eong ebe, "Eebo, Ejakait. Arai...Irai ijo Opaperoka lokajokan kakere. Ijo bon nges...Ijo nges Opaperoka lokabeit loelosi...ediopet bon loelosi aingarakin eong nejaar ajar na angetakin, aso abuni do eong asalakin abwa kede Ijo, Ejakait."

Eong lo abunit. Mam eong apeleikinit aimusung, elipit sirikiyanga eong erono nejaar eong ajengejeng iriongeta ngul ka iboro. Sek kolo eroko eong kejenuna icebore yenikamunit na, ajaraka kere, etoronit eong ngol. Mam eong eyuunitor ngol, ngin nges apolou namam eong abu apedoria aupakin kede ngol. Ido...Eebo. Esiyalamikit eong Edeke kanu aisukunyarit eong kanejai ngol!

89 *Koany etarauni kes luka atukos naka Satan, luebalasi ebe ilelebas-kEmoyo, kwabo komam, konye... ingalaete; ido ainakini eong kes abunore...aima koingaren kakejenekon,...*

Ijo mam kereka iitunit abekot najotoi nakekwenyunia ngin? Kwana, kiitu, inyobo kenyaritai ngin? Ajaas atomon kakesi nuapotu kolototo airiamun ka Eteran. Ngin naabeit? Akany araa nukacoa, ajaas kede Akinyet atalaiekc. Imwaas bo ai ejenete ibore yenebwoikinit akinyet kotoma Obaibuli? Emoyo. Kwana, mam idio epedori alimun ebe mam ijo kitalaunitai ido mam eong da..." Kesi kere etalaunitai, nginidiopet kakesi. Kere etalaunitai; konye akany acoak noi (ajaut kede aco naka apukokinio) kanu aanyun Ekek, itei ijo, kanu ailelebun kede Emoyo. Ajaatar kesi kAkinyet okubeiekc, ido nuce amameotor kAkinyet. Ido nakitiekwenyunere kes, inyobo, kopote kesi nejaas ngun, ebalas, "Oo! Oo! Koinak eong da Emoyo Lokalaunan edio, Akinyet. Koinakinai eong da adio!"

Ebalas ebe. "Eebo, kitimoi inac kijaar eong nailosikina eong. Mam eong abeit cut ajaatar kanailamara."

90 Aso...ido nape...Abala Ngesi "Kolototo ailip." Ido napelosete kesi amoot, kobuni Eteran kosodete kesi alosit Opucit loka Eterane; kojalakinete ngun emamei ibore, neelosoto kesi toma apak naka Ican Luipu luka...Kosesen mot, ikokoron iarei bobo, ianyuni ijo ebe elosete kesi toma apak naka Ican Luipu. Ianyu?

Kwana, naejotoi...Ilemuni oni ngin tupuruc. Eebo, aomit eong ebe ebuni ajokiar arai kidarek oni ngin, naarai ijai kwana oni adolokin kwap ne nepetai adol esawa, eebo, kanu agolokin.

91 Kwana kaanyutu ber oni:

Koany abuni eong...

Aponi kodumunai ebe keraas ikengalak, ebe kemameotor kesi kEmoyo Lokalaunan.

Ibore idiopet yenididi, kitimoi, kwape kijaar oni nepepe. Yuda Isikariot, kwape abalar eong akuar kaya, nges arai okoku loka amudiaro." Kosodi do neabu ngesi...Ido auruunitai Yesu Kristo korai Okoku loka Edeke. Kosodi Edeke aibo kotoma Kristo. Bia ngin nakabeit? E...Eboie Satan kotoma Yuda. Arai abu Ngesi korai Okoku Loka Edeke, keuruunitai korai Okoku loka Edeke, Okoku loka Edeke enapit akuan; akepolou aponi kouruunai Satan erai okoku loka amudiar, anapit ngesi akuan...okoku loka amudiar, Satan, ajokit.

92 Kwana, arai kimisiik ijo, abu ngesi kimorikikin kede Yesu, kosodi araun ediopet kakesi. Ianyu? Kwana, apolou naeswama ngesi ngun, kanu adumun aingal ngin ebe apedori ti ngesi alomun toma apaaran na kotoma okanisa. Kwana, abala Yesu ebe, "Atukosia ngun eraas nuka Satan." Oo, ikatunga! Ngin abu koloma? Eraas kesi atukosia nuka Satan! Arai ngol Yuda isoswaikinit araut Ekristayot.

Inyobo kerai ibore yenikapolon yenika Yuda? Kerai isirigin. Airiunet nati naka iboro kalu luipu lolo nges isirigin. Kosesesn ber ijo Assemblies of God, aiduk aduketait naka imilionin ikanykape luka dolas kane, ido kisisianakinete ebe "ebunit Ejakait katipet." "Oo, ejaas iboomun ikajasi kanu aduor oni," ido kodukete aduketait naka imilionin ikanykape luka dolas. Oo, ikatunga. Eebo, ebarito ido mam ipudas...Idumuni oni ngun imoi kuare, kwana, itojok Ejakait.

93 Kwana koany kane. Oo, koany eipone loepolokotor ikanisan, iriongeta lu lutiek. Etukokinete kesi

ikecesirigin nepepe kosodete...Oo, aitim! Eraunos kesi luka ibilinin luipu noi...ejaatar da isirigin, atukono nuekorete ilonin kakidingosikec, ka nginibore kere. Ekoranarete isirigin kinga ka iboro, ikanisan. Onac, mam ngin eruo bala naka ikiyakia kamakang.

Abala Petero ebe, "emamei eong epuesa karaida esabu, konye yenikija keong, kainakini ngin: Kokiror loka Yesu Kristo..."Ngin nges ajaatar ngesi apukokinio naka Ngin. "Ainakini ijo: kokiror loka Yesu Kristo konyou kobwo kolot."

94 Eebo, kwana idumuni oni kane ebe araas kesi "Atukos naka Satan." Kwana, eipone ali araatar kesi? Kwana, neabunio Yuda...Kwana koany! Nepetai kotoma apak naatakunua Yesu, kotakanuni Yuda da. Iany ijo ngun? Ido kotoma apak kangin nanyounia Yesu kanen, konyouni Yuda da kanen. Kotoma apak naabonguna Emoyo lokalaunan bobo nen, kobonguni bobo Yuda da nen. Emoyo loka lokasurup loka Kristo, toma aswam, idwe da luiulaka, komam epodokinitos Ebaibuli, konye kopodokinitos e-ediini. Ianyu? Kosodete kesi aismamaun atukos naka Satan." Kakaibo? Kiboiete kokwap kotoma atur kane. Koipone bo ali agearor kokau kane? Kede erionget. Ibore ngipengin yenabu kismama kokwap kane. "Atukos naka Satan." Imisiik ijo ngin?

"Atukos naka Satan," abala Ngesi ebe, "luebalas ebe ilelebas kede Emoyo." Kwana, koipone ali eneratar kesi kwangin?

Yuda, neajaar ngesi ne toma akwap, abu ngesi kiriamunos kede Yesu, kosodi alimor ebe arai ngesi ekeyuunan loka Yesu, kosodi araun edaran apiyai, kotukite isirigin kere. Ngin naabeit? Ijenete yesi ngun. Kwana, arai abu ngesi kiyuunite Yesu Kristo, abu ngesi kocamunite (kede aingal) aitojokio. Biai ngin naabeit? Kotoma Iromayon 5:1, "Kanuka ngun kitalaunitai kanuka aiyuun." Abeit ngin. Eebo.

95 Kwana, kosodi icebore, kotoma Yokana Eijiri 17:17, abu Yesu kitalau kes kotoma Abeit, abala Ngesi ebe, "Akonikirot nges Abeit," ido arai Ngesi Akirot.

Kosodi Ngesi ainakin kes apedor nejaas imoyon lukaronok; alosit kinga ka ajaut kede aijanakineta nuka aitangal, kosodete airengear ajokin, ka-ka aswam iponesio kere luka nukapedor. Ido neabongunatar kesi, kojai Yuda kakes...Kwana kosesen, luka Nazarene, luka Wesley, Methodist! Apotu kobongutu, iyalamasi, ido kolakanaros noi, ido kituritos Edeke, ido kiluluete naarai arimaritos ajokin kes. Kosodi Yesu atemar, "Sirikiyalamikinos naarai kirimasi ajokin yes, konye kiyalamikinos naarai iwadikatai ikusikiroria toma Oitabo loka Aijar."

Ido kiitu ebe arai Yuda edipet kakesi! Itei ijo, apedori ngesi aingalar ekanisa toma neejai ngin. Iswamai ngesi cut kotoma owaitin kangul, ijeni ijo, konye needolokina Pentekosit abu ngesi kitodia ibore yenikerai ngesi. Ngun kes abu ngesi kismama kolosek, kotoma okanisa loka Methodist, ka nuabu ngesi kismama kotoma okanisa loka Luther, ka nuabu ngesi kismama okanisa loka Nazarene, ka Ikanisan luka Edeke ka ngul, abu kobu cut kiton aitalaunio; neadolokinio neejai aibatisao naka Emoyo Lokalaunan einer kotoma angajepa, ka ajaut kede aanyununeta ka nukaumokin, apotu kesi kitoronata Ngun.

96 Elosete kesi erot loka aitangal naka Edeke kanukon. Abeit cut, Yuda da abu iswama ngun. Ianyu? Konye apak...Ejai aijanakin naepol naka aitangale naka Edeke. Nuejaas orot lolo, onac, aibwo aibwo adaun isawan iarei kosodi kobala ebe, "Elosete iraanakon aokior arai mam ijo iinakini eong idolai akaisakany akuar, nginikuar." Ka eipone loka iboro kangul kere, erai ajokit. Abeit cut. Eyuunit eong aitangale naka Edeke kede ekatau kere. Konye eraas iboro ngul luka ajokit, cut kere, eraas ngul lukajokit. Mam eong apodo arai iswamaete yesi nuitiasi ai, arai nuipu biai; Erengeari Yuda ajokin, ngesi da.

Abala Yesu ebe, "Epote luipu mamaKang kapaaran kangin, kobalas, 'Ejakait, Ejakait, eong...mam kereka eong erenget ajokin kOkirorikon ka aswam da aswamasio nukapedor'?"

Abu Ngesi kotema ebe, "Arai ibu kismamate, emamei ibore yenajeni Eong yenikamunit ngun. Oria kamaKang, yesi ikeswamak nuka epali, mam Eong kajeni yesi." Abeit cut.

Oo, onac, "elal erut, ido ediding erot, ido konye idis luepote adumun Ngol." Inera oni nuikamunitos "idis" naarai kijai oni toma atur nakawasia naebeitor araut idis bon. Kijautu Ngin, elipit, iinacanaka!

97 Mam iwomit ebe ajai eong aibwo kane...ejok do eong...Karai tikorai eong, ti eong-ti eong...Kanuka, ti eong eyamiyam kasodi atemar ebe, "Alemutu ber oni Assemblies of God arai erionget ece, alomar tomakec kasodi aupakin kede kes." Konye, Oo, onac, otukui eong arai keswama eong ngun! Otukui eong! Ajeni eong adepar nen. Ijukari eong Edeke ogeana kanuka aswam ibore kwape kangin. Eebo, ipa. Arai ajaatar eong ice...ejai eong aipucakin akejenanut kede akaijar, ajai eong apucakin, odaun. Naarai ejai icebore tomaka, mam bobo eong apedori aswam ngun adepar idiobore kere kotoma akwap.

Ajeni eong Abeit na ido ajaatar eong kabwoetai kede naerai Abeit, ido igangit Ebaibuli Ngin. Itepegi erionget Ngin, konye ebala Ebaibuli ebe edolit Ngin. "Koraun akirot naka idiotunganan aingal, ido naKeng koraun Abeit." Abeit ngin, ngesi Ngin, kosalak kede Ngin.

98 ...aitaraun kes...atukos naka Satan,...(Eebo.)...Ido ejenunete kesi...epote kakejenekon, kosodete... ijenuni ebe kamina...eong ijo.

Naarai iricit akakiroto naka angirikinit, eong da karici ijo kotoma osawa loka aitemio,...

Kosesen kwana, kanu aitoduun ebe mam na erai atur naka Methodist naenera eong nukeng, konye, erai arucokinet. Koany! Ijo ikapakina apupokin? Nginitunganan? Kopupok ejok kwana:

Naarai iricit ijo akakiroto naka atitingikin, eong da karici ijo (idis ngul luikidioko) kotoma apak naka aitemio, iwori...

Elosi ekanisa adolokin toma aiboisit nailosioto yesi alomar toma orionget arai-arai araun...ilosete yesi-ilosete yesi ajaun kede ngin, onac. Odaun. Ilosete yesi araun erionget arai adumun emacar loka etiang, arai adumun...ilosete yesi aitarauun ngol erionget, araibo alosit toma odiini (loejai adolokin toma omacar loka etiang), naarai erai angerio. Ianyu?

...naebunokini...naebunikini akwap kere, aitem ngul luiboiete kotoma akwap.

Koany, abunit katipet, kikam yenijaatar, kinye itunganan kere ayangar abokokon.

99 Kwana, "aitemio" na naepol, esawa loka aitemio loebunit aitem akwap kere, elomari akwap toma Ocan luipu. Kotoma adakikan adis ibuni oni aanyun ngin. Elomar toma Ocan luipu, ido mam Ican luipu apotu kopotu apaarasia nuka Wesley. Aso atur bodo ani ijai oni toma? Inyobo yen "Ekek" ibwaikitai iingaren? Erai kidng naka Wesley ka ...neejai ekanisa aitenar kopekwana, ido ejai da toma, neejai atur naka Laodikia. Konye iboisit yen kane, kotoma okar akaisauni kalukany, ikar akaisaongon, araun "ekek loengaara" ibwaikinitai cut iingaren naka itunga kanu alomun toma, ido eyangari Edeke idis kosodi agolokin Ngol. Ido elosete kesi toma ajalam kosodi Ngesi alekar kes kinga naka aitukuKe. Eponio aiturian aswam, kolosi Ekanisa kuju, kane obuni lokasurup loka Kristo elomuni toma kanuka amudiaro. Abeit cut, iriamara kede Ebaibuli kere airimor kere. Mam ace, kwana.

100 Ido ne nges etakanunia abekot naejotoi da. Kane itogogongit ebe aturio nukawasia nuka ekanisa elosete toma atutubet nasodit naka Pentekosit, neelomariata kesi toma Ocan luipu luelomunete kotoma...lumam apotu kopotu kotoma atur naka Wesley.

Ekokoro lo 11, eebo, "aboko naka Aijar." E-ebala ekokoro lo 11 ebe:

Koany abuni Eong katipet:... (Inyobo? Katipet akaulo naka na kwana, tei ijo.)

Koany, eong...kikam noi ngun nuiijaatar (kosalak tomake), kinye itunganan kere ayangar abokokon.

Inyobo arai a "aboko"? Inyobo aboko? Erai e-erai e-erai e...Aboko akepolou ebe ijo "ijaatar-ijaatar kapugan." Irai ijo ekabaka arai kitanapi ijo aboko. Ianyu? Ido irai oni odwe luka Edeke arai kitanapi oni aboko naka Aijar Namam Edaun, ido aiboisitiwok naipugai oni nges akwap, "Etarauni yesi isasedotin ka ikabakan mama ejai Edeke." Biai ngin edolit. Aso ikoni nen.

101 Ido kalaije kotoma Yerusalem Nakitetet, eipone loeraar ebe eyangaununete ikabakan da luka akwap akeceibuses toma Ore kangina. Oo, eumokina noi! Arai ipuda ijo adumun ngin. Itei ijo, ipuda ijo aica kwape aacer, abokoi. Ido Daniel 12:3 einakini aitetemunet naepol, naati naka ngin, arai ipuda ijo aiwadik ngin. Aticepak ti oni kijaun kede apak idakikan idis kanu adumun ngin. Alemutu ber oni Daniel. Eebo. Ageutu kotoma kalosodit, esula lo 12:

Kapak kangin ebwoi Mikael...(Itei ijo? Oo, ijani ijo loerai ngol!)...ebwoi ejakait lokapolon loebwoikini idwe luka itungakon: ido ejaun apak naka aburun, (Inyobo ngin? Cut akaulo naka nu. Ican luipu!)... namam apengo ejaunit ageun ateker ajaut aitodol apak ngin: ido kapak kangin eyuunio ikonitunga, nginidiopet yenetakanuni iwadikatai Oitabo.

Ekwenyunete da luipu ngul luejotoete kotoma apua naka akwap, ice neejai aijar namam edaun (aboko), ice da mama ejaas ileic ka amwangio namam edaun.

Oo, onac, "akoniboko" ngin, aboko ngin naka aibuses naka Aijar Namam Edaun! Aboko naka Aijar Namam Edaun.

102 Ekokoro lo 12, katipet eroko oni...Ido aomit eong ilosi oni ne akaulo do naka ngin.

Ngin yenipikori, etarauni nges epir kotoma oyekalu loka Edekeka,...

Kwana ilosi oni aitor toma kanu katipet noi naarai adau eong adolore idakikan ikany adepar apak. Konye ipedori ijo ajo mot tupuruc, ijo mam ipedori? Toto ijo ajalakin nges kojoto. Ijo inyouni mamace, konye luka papa esubit bala etionikit anyoun. Konye kojolak ijo nges kojoto mot ber. Kocedun ijo kinga kapatan, aitemokin akemajani, arai idiobore yeniswamai ngesi, ido ebuni ngesi ainap anapito najokan naka lujiis.

103 *Ngin yenipikori etarauni nges epir kotoma oyekalu loka Edekeka,...*

Oo, kalemutu ber oni ngin akirot kede akirot kanu adakika bon. Yesi ititingikineti kede eong aojau ngin, motimot? Ajeni eong ebe emwana, ido ijenete yesi da ebe emwana kokuju kalailo da. Konye kaanyutu ber oni:

...Etarauni e...Ngin yenipikori etarauni nges epir kotoma oyekalu loka Edekeka,...

"Epir." *Epir*, arai "apetetait." Apetetait kotoma oyekalu loka Etogo, arai Etogo loka Edeke. "Eyekalu loka Edeke," arai, "e 'Etogo' loka Edekeka." Erai epir, apetetait. Lu kes ngul luapotu koyangasi Akirot napotu kopuputu (kotoma okokoro lo 8), kosodete abongor neejai apetetait

104 Kwana kalemutu ber oni Ipeson 2:19, kalaije kokanisa loka Epeso. Ijenete yesi, ejai ijo abongor Epeso, ngol nges arai ageunet. Biai ngin edolit? Eebo, kabongosi ber oni Epeso neajai Paul, ekanisa loabu ngesi kopesik. Kasodete aanyun kwana nekijai oni. Eebo, ekanisa loka Epeso. Abongosi ber oni kau kwana kasodete aanyun nuarai apetetait na kokau kangina kotoma okanisa kangol losodit. Kwana inera ngesi nejaas itunga luka Epeso:

Aso do mam bobo iraaas Imo ka liuboiororos, konye iraaas lukajen naka lukalaunak ka lukakol da loka Edeke;

Ido idukokinitai apetetait naka...(Lutheran, araibo naka-araibo naka Baptist... Kwana, idareu, abu eong egurokin, mam tope? A-oo,)

Konye idukokinitai apetetait naka ikiyakia ka inabin, kerai Yesu Kristo elopet amor nakapolon naka agor;

105 Nginibore kere abu koloma kotoma Okek, Yesu! "Ido ngin yenipikori etarauni nges epir." Kakiro ace, atutubet naka apetetait. "Inyobodo ainakini Eong nges? Ebwaikini Eong nges toma Aisianakin naka ikiyakia ka inabin kotoma ageunet, kasodi ainakin nges Apukokinio." Inyobo tikelimutu ikiyakia kanuikamunitos Nges? Erai Ngesi Ekapuron, Ekabaka loka Ainapakin, Edeke Lokapedor, Papa lomam edaun. Ngun kes abalas kesi, inabin, ikiyakia. "Ido ngin yenipikori atukosia nu kere nuka Satan, aidarakin bon kolacakina kosodi asesen kaitebeikin Orute, etarauni eong nges epir, ebwaikini eong nges toma apetetait naka Akakirot kotoma Otogo loka Edekeka." Oo, ikatunga! "Ebwaikini eong nges cut nen toma Akirot." Amen. Amina eong ngin, onac, ejok Ngin. Aticepak eswamai eong koipone loitegelikina, eong...konye apupi eong ejok. Eebo.

106 *...etarauni eong nges e...Ngin yenipikori...etaraun nges epir kotoma oyekalu loka Edekeka, ido mam bobo elomari kinga:...*

Inyobo do ngin? Erai erai ngesi epir, mam bobo ngesi elosi kinga cut. Erai ngesi Ateran! Edolit ngin.

Kwape ajaar atur naka Epeso, kwape abu Paul kisisianakina kes kotoma Aswamisio nuka ikiyakia... Kwana, kidareu mot. Erai ilosi ijo araut epir...ajaatar eong kecekokoro kwap ne loakoto ti eong alemun eroko oni edolokina neejai Ateran. Kwana, arai elosi ngesi araut epir, ilosete yesi abongor Epeso, ilosete yesi abongor neejai atur najai Paul toma. Kosodi Paul, emalaika loka Epeso, loarai ageunet naka ekanisa, apetetait, abu ngesi kisisianak kes, "Arai aponi kibatisai kes koipone ece komam erai Okiror loka 'Yesu Kristo,' ajai aibatisa kesi bobo." Edolit ngin, Aswamisio nuka Ikiyakia 9, araibo 5:19 arai 19:5, atemas. Kotoma Ogalatian 1:8, abala ngesi ebe, "Arai kisisianaki emalaika icebore yenitegelikina, ikenoi ngol."

107 Eraas kesi da Ateran luajaas toma Oyekalu. Kwana alototo neejai Apukokinio esula lo 7, kaanyutu arai araas kesi Ateran, esula lo 7 loka Apukokinio.

Kwana, apedori eong, eong-eong...Kinera oni kane, idis luka Israel, ilukumin akwatat akaisaongon ka luongon, ka ice da, konye kelamata ber oni ngul ailam mot kasodete alosit kwap ne bala ekokoro lo 12. Atemar ebe, arai airiamun naka pentekosit kanen! Araas lu itunga lu...oo, itei ijo...Eebo, igeuni oni kane okokoro lo 9 naarai losodit erai Israel, ido ajaas ilukumin akwatat akaisaongon ka luongon kakesi luaponi kipucakinai, luidolokini oni moi.

Ido...Akaulo kangun abu kaany, ido koany, ekodet loepol noi, loemamei itunganan yenepedori aimar,

...

108 Kwana kiitu, agear ko 4 kiton 8 erai Israel, lu da keraas ibwacin, luka ikedarak luka eyekalu. Itei ijo, idumuni oni ngun tupuruc, arai itojok Ejakait. Kwana, ipucakini Ngesi kanen, atekerin atomon ka luarei kere. Nuka ateker naka Yuda, abu Ngesi ipucak itomon ka luarei; ka Lebi; Sebulon; ka Benjamin, itomon ka luare. Ido imwaasi bo adi atekerin nuejaas nuka Israel? [Kotemari atukos ebe, "Atomon ka nuarei."-Ekewa.] Eebo, atomon ka nuarei irwanaik itomon ka nuarei kesi idi? Ilukumin akwatat akaisaongon ka luongon. Ido araas ngul kere idwe luka Israel; ajeni Yokana kes, nginidiopet, arai ngesi Eyudayat.

109 *Akaulo kangun...abu kaany, ido koany, ekodet loapol noi, loemamei itunganan yenepedori aimar*

(Kane opote Imo.) *itunga luka nginijena,...ka luka atekerin,...ka itunga ka angajepa, ebwoete kakonyen nuka Edeke, kakonyen da nuka...Imerekek, itanapitai inapen lukakwangak, kitingito amusog kakaninikec;*

Ngul kes isuban lukican kokau kangina luapotu kotwakata (kosodete ingatunyo ainyamanar kes, ka nginibore kere) kanuka Eijiri kalo loka Emoyo Lokalaunan loabu kinyikok aiton kede aokot. Ilukumin irwanaik ilukumin luka idwe ludidik kede akecekwes isiaranara korotin, ka nginibore kere, abwoete kesi kangina! Konapitos inapen lukakwangak, ka amusog kakaninikec. Oo, ikatunga!

Kiworoete keporoto loepol ebe, Aitajario mama ejai Edekekosi loiboie koicolong, ka mama ejai Imerekek da!

...Aitajario mama ejai Edekekosi loiboie koicolong,...mama ejai Imerekek.

Kobwoete imalaikan kere airimor eicolong, ka imakio, ka lukajarak luongon,...kibiroros kesi...ebuburia kingaren keicolong, komaata Edeke.

Kopupok, arai mam ijo iomit ebe erai na airiamun naka Pentekosit:

Kobalas-kobalas ebe, Amen: Kojai arereng,...ka aibuses,...acoa,...ka aimal,...ka ayongio,...ka apedor, ...ka agogong, mama ejai Edekekosi ikar ka ikar. Amen.

Otakui! Esubit bala ajaatar kesi kairiamun naka atukokin kangina, mam? A-ha.

110 *...Kobongok ediopet kotoma komakio, kalimok eong ebe, Lukangai lu, luitanapitai inapen lukakwangak, aibo da keponiata kesi?*

"Kwana, irai ijo Eyudayat, ijeni ijo atekerin kere atomon ka luarei. Kwana lukangai bo lu? Kaibo keponiata da? Enapito kesi anapito nakakwangan, aibo keponiata? Mere ateker naka Benjamin ka ace da. Lukangai lu kejaas ne?"

Kosodi Yokana noi kwangin...?...

...Katema nges atiar, Ejakait, ijo ijeni. ("Edumunit ngi eong! Eong-eong..." Ianyu?)...Kabala ebe, Lu kes lukepote kotoma aiticianio naepol, elota inapenekec, etwakangata kes kotoma aokot nuka Imerekek.

Naarai...Kanuka ngun ejaas kingaren keicolong loka Edeke, (Toma Togo) ijaanakinete paaran ka kuare kotoma oyekalu; Ngol da loiboie koicolong, erapari kes kewemake.

(Asubit bala ayarit kes etengei ipak edit, mam cut?) *Mam bobo eriebi kes etengei, (Aibuses!) karaida akur aajak, Mam bobo akolong enomonori kes, karaida amwanis apeor.*

Naarai icokiei kes Imerekek yenejai kiding keicolong, ingarenikini kes atanin nuka akipi nukajarak; Emwatari da Edeke akiyo kere kakonyenekec.

Engol nen; Ateran ngin. Oo, ikatunga! Eipone loibusiar! Ateran!

111 Aanyutu ber oni nuabala Ngesi kane kwana, tetere oni mam itwakiari ngin kwana, lo 12:

Ngin yenipikori eraun epir kotoma oyekalu loka Edekeka, kosodi...mam bobo elomari kinga:...

Ateran ebwoi kanen kede Eteran. Oo!

Oo, oo, karai ti kojai oni apak naka alemun ngun nuajaatar eong (erai kanuka eitabo kalaije); kalaije kotoma Apukokinio, abala ebe, "Ikabakan kere luka akwap eyangaunete ayongio tomake." Esubit ngin bala e...(kotoma aituput) eteker naka Lebi: nuce kere atacete itomoneta nekeng, itei ijo; anyoun kolap lokitetet kiton neejai ece, asabato adiopet kiton neejai ace, aloseite kesi aima. Ikonakini bo lolo apaaran ngin ai! Eebo. "Ido abuni eong..." Aanyutu ber oni, "Mam elomarete kinga bobo." Eebo:

112 *...epir kotoma oyekalu loka Edekeka,...ido ewadikaikini nges ekiror loka Edekeka,...*

Kwana, anibo Ekiror loka Edeke? Yesu. Arai ikoto ijo aiwadik ngin (Ijai oni aiyap mot.) "Yesu!" Ipeson 3:15 ebal, "Kotoma Akuj ka akwap, kere emaikitai Yesu," itei ijo. Eebo. Eebo, kwana.

...ekiror da loka ere loka Edekeka, nges Yerusalem lokitetet, loijesuni abunore kotoma akuj kama ka Edekeka: ebwaikini mamake...(Oo! Arai kiany ijo, erai kere Ekiror, ekoto ijo kodaunite aikamun ngin. Ianyu? Ianyu?)...ebwaikini mamake...ekiror loka ere loka Edekeka,...

"Ere." Kolosi Ngesi iingaren kosodi atemar ebe, "Alibo Yerusalem Lokitetet." Itei ijo, Yerusalem Lokitetet. "Ebwaikini mamake Yerusalem Lokitetet." Kwana, Ateran, arai Ekanisa, nges Yerusalem Lokitetet. Imwaasi bo ai ejenete ngun? Ekanisa elopet nges Yerusalem Lokitetet. Ijo iyuunit ngun?

113 Ketogogongosi ber oni ngin. Apukokinio 21, aomit eong bala erai, nen nges akoto eong. Eebo, kaanyutu ber oni kau ne tetere kipedori aitodikin ijo. Abala Ebaibuli ebe, "Aitogogong iboro kere," itei ijo.

Kwana, Apukokinio 21. Oo, kopupok na ejok...na...kopupok na, ikoto ijo aanyun loerai Ere lokitetet loka Ekiror loka Edekeke.

Kasodi kaany akuj nakitetet ka akwap nakitetet; naarai atubor akuj nasodit, ka akwap da nasodit, mam bobo angolol ejai.

Kaany da ere lokalaunan, Yerusalem lokitetet, ijesun kotoma akuj, kama ka Edeke, itemonokino kwape ateran naisirokinitai okilenike.

Ekanisa lokitetet nges Ekanisa loka Imo, Ateran. Ateran erai Amoit, ido Amoit nges ejaatar kEkekiror. Abu nges kolem itunga kama ejaas Imo kanuka Ekekiror. Ijo iyuunit ngun?

Arai mam ijo iyuunit ngun, kopuko Aswamisio 15:14 kosodi aanyun. Aswamisio 15:14, arai ikoto ijo apukor nen atikatikat adiopet bon, ido ibuni oni...kosodi do ijo...Aswamisio esula lo 15 ido ekokoro lo 14, acamunit eong ebe idumuni oni ngin. Kwana, eyapie do oni agolokin. Aswamisio 15, ido ekokoro lo 14:

Nakedauniata aililing kobongok Yakob ebe, Ikiliok ka iinacan, kiirarai.

Kitejenu oni Simeon kwape kisiaunia Edeke aanyanar Imo, alemun kotomakec itunga kanuka ekekiror.

A-ha. Eebo, engine nen. Oo!

114 Kwana aomit eong ebe eyapie do ngin noi aitodolokin awasiake, ido kwana kigolokini oni kotoma atemar ebe Ngesi nges Lo.

...ido ewadikaikini mamake ekiror loka Edekeka, ka ekiror da loka ere loka Edekeka,...

Loeputo kere: Yesu, Yesu, Yesu. Kosodi Ateran naedukokina kede Yesu, itarauni nges Ajkt. Yesu; kaceda, itei ijo.

Ejaas angor ace nukapedor nuejokuka kotoma aduketait kana atibong na ejokuka, konye ejai adiopet kotoma kakesi nges nakang, ejaatar ngesi kekakiror. Amuno eong ebe ijaatar ijo kangol. Ejaatar ngin kekakiror, kwape kwangin Aketeran da. Eebo:

115 Ewadikaikini mamake ekiror loka Edekeka,...loerai Yerusalem lokitetet, lokijesun kwap...arai, ere loka Edekeka, loerai Yerusalem lokitetet, lokijesun kama ejai Edeke...kotoma akuj kama ejai Edekeka: ewadikaikini mamake ekakiror lokitetet.

Ejok do ber eong ajalakin ngun, mam? Eebo. Koany, "nges"erai ediopet. Kwana arai kibongo ijo kau neejai Apukokinio 2:17 ipak edit, kanu bon ainyogoor ngin itikatikat bon:

Ngin yenejai akit, kopup nuelimonokini Emoyo ikanisan. Ngin yenipikori ainakini nges emanu loibwaitai, ainakini da nges amoru naekwang, ido iwadikatai amoru ekiror lokitetet, lomam itunganan ejeni nabarai yenijauni.

116 Ijo mam imina Nges? Ngesi mam eumokina?

Amina eong Nges, amina eong Nges

Naarai abu Ngesi kageu amin eong

Kotac da akaitajario

Kokitoi loko kalvari.

Ijeni ijo, aminakit eong awoere kotoma Omoyo akaulo naka ariamun naijaatar ijo awanawanao naka nginibore kere. Ijo mam? Oo, eipone loaminakinitor eong alomar Omoyo. Akiro! Itei ijo, ejesun Akiro! Kwana, kwana do ibore bon yenipuda Ngin nges apalal adio. Itei ijo, aimal adio, kogeuni do apolo, itei ijo. Oo, ijo mam imina Nges? Ekeutu ber oni awokokanin kasodete aiwo ngol:

Amina eong Nges, amina eong Nges

Naarai abu Ngesi kageu amin eong

Kotac da akaitajario

Kokitoi loko kalvari.

117 Oo, ketuluroto awokokwes kwap kasodete atemar: Papa, imina isio Ijo. Imina isio Ijo. Oo, eipone loiminar isio Ijo! Isiyalamikinit isio Ijo, noi, Ejakait. Oo, ikosi-ikositaunon lukitunga lukican mam epedorete aitoduun nuipupi isio kotomakosi, kanuka eipone lokilotaria Ijo isio kotoma Aokotokon kElopet. Kipou karaas lukasurup, Ejakait. Kipou kaminas iboro luka akwap, ido kipou isio kere-kere kamunauna kokinga

kangina kotoma oboro luka akwap, kosodi Ijo aijesun kwap kosodi arior aKonikanin nuketiai nukalaunak kwap cut toma orit loka adiakar lokijai isio toma, kosodi alemun isio kinga, aseun isio, ailtar isio, aitalaun isio, kibwaik da Emoyo lokitetet tomakosi, kosodi abwaikin akosimin nejaas iboro lukotoma akuj. Eipone loimonar isio Ijo, Ejakait!"

Kotoma atur kana naingalangalatai, ebe emamei idiobore kotoma akwap ideuna kanukosi, Ejakait. Emamei ibore yenideikina akwap, ejai-ejai-ejai toma awasia naka apak. Iseseni isio kanuka Ebaibuli, nginitur kere adaun. Ijai kwana toma awasia, elosi angetakin katipet. Mam ebuni ayangaikin aojau kiton Yesu abunore. Wu Edeke, kinokok akim kotauonokosi, mam icamakini isio abwoun. Aomit eong, inyobo do tikiswama Paul lokapolon korai ti kojai ngesi ne atibong na kosodi ti aanyun iboro koipone kalo ejaatar? Eipone loeraar ebe ngesi...Etunganan ngol, aponi kibwaikinai nges aidaris eroko akwap iwalara, kojai bobo ngesi kinga ne alimonokin itunga akapakin kanuka abongun naka Ejakait.

118 Kotoma apak kana, Ejakait, ejaas luipu luedekasi naarai ejaas iitabalan ne ka ailipasia eperete kane. Elipi eong ebe itangaleuni Ijo nginidiopet kakesi, Papa. Ijeni isio ebe erai na atutubet naka aijaanakinikon nakitogogongio Ijo amamus akurwokin araut Abeit, "aanyununeta etupanakinete ikeyuunan." Kama ejai akuan naka Paul ayanganarete kesi iitabalan ka igoen kosodete aijukanakin lukadekak; kosodete imoyon lumam elaete anyounun kamakec, kosodete angaleun naarai ebe eyuunitos itunga ngul Edeke lokajaran. Koinakinai ngin atibong na, Papa, kwape etitingikinia kes mamaKon kotoma Yesu Kristo.

Ido kwana, Ejakait, Elipit eong ebe itingi ijo itauonokosi kotoma Akaninikon, kilotai isio, korioroi isio, naarai abala Ngin ebe Ibuni Ijo "aomun Ekanisa loemamei ailimakinet karaida asukokinet." Koriono epaasi lokamwanan loka Emoyo Lokalaunan asukonokineta kere kamakosi kasodete isio aikaj akapakina kanuka abunore naka Okoku loka etunganan.

Kwana, Papa, kilipit isio ebe kiboikinos akonirerengusio mamakosi. Komaata kede isio, Papa. Kimai isio Ijo. Kibwoi isio atibong na kasodete ainakin Ijo ikositaun. Isio... [Aiboisit naemamei ibore kateepu-Ekewa.]



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7